

Præfatio in
Censuras.



AM MINVS vereri debeo, ne quis potius gloriæ capandæ cupiditate me putet adductum, vt homini impudenti & rerum omnium imperito, suos patefaciam errores, quād ad id vera, rectaq; duci ratione. Quōd si liberius in hominem petulan tem adeō importunè laceſſitus inueherer, quis probus non id mihi iure concedat? In Amathum, inquam, qui suis iniquissimis calumnijs, non modò honestissimos labores nostros opprimere nititur, sed &, quantum in ipso est, sua imperitia, & im-
pudentissima confidentia rem medicam obscurare conatur uniuersam. Nec sanè aliud libi quis de eo perſuadere potest, qui aliorum scripta à quā plurimis comprobata, satisq; communia, sua temeritate incessit, & violare molitur. Hoc si impunè, & tacitè sit improbis permittendum, vt suo tantūm iudicio audacter reprehendant, ac contaminent omnia, quō nam omnium præstantissimarum facultatum cultus deueniet? Quis posthac istorum se obiectet ingratitudini? Verū ut & ipsum, si qua adhuc in eo vigeat ratio, pœnitentia istius calumniandi infanſimæ licentia, & non ſolū ex alijs, uerū ex te ipſo ſuam cognoscat omnium rerum inſcritiam; inſtrigenda eft hæc nimis arrogans, & effrenis audacia. Non arbitrabar quemquam tam perficitæ frontis eſſe poſſe, qui ibi tam ſeuera in alios censoria utatur uirga, vbi ipſe tot ybique ſcateat erratis. Moleſtum, friuolumq; penè credidilem grauioribus impeditus negotijs, vt cum huiusc hominis diſceptarem ineptijs, niſi ipsum in me tam petulanter insultare à pluribus audiuiſſem. Nunc autem eadem moleſtia, qua istius impetum, & uanam incursionem à me prohibui, ne quis istius ſeueri censoris impellatur iudicio, vt statim approbet, quæ ab iſto viderit proferri: Audiat bonus, & egregius vir, quanto tuius fortisſe fuerat honeſtē tacere, quād eo pacto contra cæteros infanē oblatrare. Atqui hac in re ea nœutiquam utr vanitate, qua ille contra nos; & ne hominem potius persequi, quād veritatis ſtuſi videamur, nihil nobis erit negotij cum Amatho. Etenim eius errata ſic in lucem producam, vt ſi uel ipſe met aliquid ha-
beat, quo ijs, quæ à nobis afferuntur contradicere valeat, doctorum iudicio longè libentius acquiescam, quād ut aliqua pertinacia reliquorum ſtuſia retardem. Idem qui hoc promitto, hoc quod eſt æquissimum, ſi non ab Amatho, quem reditum vix ad mentem ſpero, ſaltem ab eruditio lectore id peto, ac poſtulo, ne qua mora, ne quod impedimentum rerum, & medicinæ fiat candidatis, vt tum demum de utroque noſtrum ſuam ferat ſententiam, vbi noſtras rationes diligenter expenderit, ac pefitarit. Amathus non niſi quadam præcipiti dementia noſtris inuafit labores, conuulſit, diſtraxit, nullam huiusc faeti afferens rationem, niſi quod ſuæ authoritati, hoc eft ſtultifimæ libidini, tantūm putauerit ubique conſecuum. Ego ſanè, quæ in iſto reprehendo, niſi apertissimis, & ipſa luce clarioribus argumentis inductus videar, cupio me eiusdem argui temeritatis, ſtultiæ, ignorantiae, quam de ſe prodidit ille. Atque ſicut candidus lector, qui hæc in manus ſumperit, facile diſcernet, ita fore arbitror, vt minimè eum pœnitentia eius lectionis, ubi non tantūm iſtius tētrimos lapsus, ſed & non ſine noſtro labore, rerum plurimarum cernet explanatas naturas. Ideoq; hæc, quō maiori cum facilitate, & emolumento diſtinctius ab omnibus legerentur, in certa hæc digeſsimus capita, ac iam tandem alijs innumeris ſilentio inuolutis, ad ea, quæ ſunt præcipua, in quibus ille turpiſime offendit, veniamus.

ACORVM.

De Acoro Cē
ſura j.

Galangæ Cy
peri folia.

DE ACORO ſuum ipſius, quod olim tenuit, reprehendit iudicium, ſed quanto præſiterat à priori non diſcedere ſententia, ipſe videat, qui vegetiorem Galangam nihil ab Acoro diſcrepare putat, cuius error multis patet rationibus, & indicijs. Niſi quod neutrum Galangæ genus folia proferat Iridis (vt qui uiderunt teſtantur) ſed Cyperi, quo fit (Lufitano etiam ita teſtante) ut non deſint, qui Galangam ipſam Cyperum Babylonicum vocent. Tum quōd vegetioris Galangæ radix cum Iride nihil habeat cognitionis, nec illius faciem vlla ex parte referat; adde quōd radix hæc rufeſcat potius, quād ſubalbicet. Præterea Galanga nusquam reperta eft, quæ gulfu fuerit ſubamaro, ut de Acoro ſatetur Galenus, ſed tantūm acri. Quocircà non immeritò Serapioni, qui inter Arabas in enarranda ſimplicium medicamentorum historia primas tenet, aliud eft Galanga, aliud uero Acorum. Ob eandem quoquè cauſam inter græcos Actuarius, & Nicolaus Myrepſicus in paranda Aurea Alexandri antidoto, & Acorum & Galangam imponunt, tanquam medicamenta inter ſe diuerſa. Qui bus luce clarius quis intueri poterit, Galangam, & Acorum pluribus ſanè notis diſferre. Acoro enim folia non debentur Cyperi, ſed Iridis, quin & radices Iridi proximæ, geniculis interceptæ, ſubalbiantes, non ſubruſcentes, & (ut Plinius inquit, cui & Lufitanus ſubſcribit) ruptu faciles, non ut

ut in Galanga, utraque fractu contumaces, quibus perspicuum, satisq; comprobatum censemus, neutrum Galangæ genus esse Acorum. Nec protectò intellectu unquam (vt alia meminimus) quo patto, quæ metamorphosi factum sit, vt Galanga illa, quæ ab alia non genere, nec viribus, sed tantum magnitudine differt, quum primum ad nos è Syria, vel Memphi aduecta est, in Acorum te com mutauerit: nisi quis fortasse dixerit, euensis hoc magicis præstigijs, quò suam tueretur opinionem. Ac cùm ad nostra penitus obmutescat argumenta, quibus in hac re sumus usi, illud sanè tūspicari libet, hæc potius retractas Lusitanum, ut Brasauolum à nobis reprehensum (illi enim ubique plurimū uidetur addictus) sui immemor defenderet, quām ut ueritatem, quam prius fatebatur, sustineret. At Fuchsius vir prosector clarissimus, & qui potius philosophum se existimat, quām ut pertinax sit author, et si iam pridem in Brasauoli concederit sententiam, visis fortasse Commentarijs nostris, ac pariter argumentis, quibus eorum detestamur opinions, qui existimant maiorem Galangā esse Acorum, honesta quadam dicendi serie, qua suam tuqtur existimationem, postremo quem edit, de compositione medicamentorum libro, à priori opinione non parùm uidetur abesse. Quod fortasse fecisset etiam Brasauolus, nisi immatura morte fuisse præuentus. Porro Acorum non mea Acorū quid. tantum, sed plurimorum sententia, qui in re medica multum præstiterunt, ea sanè erit radix, quam perperam Calatum Aromaticum appellant. Ipsa enim si primum recto oculorum intuitu expendatur, ac deinde syncero ruminetur gustu, nulli dubium esse opinamur, quib; adeò singulas Acori notas sit repræsentatura, ut is meritò stupidus appellari debeat, qui aliter senserit. Quo fit, ut ridendum uideatur Lusitani argumentum, quo dicitur, ut credat Galangā eam ob facultatem, qua ad ue nerea præstare fatentur Mauritanī, genuinū esse Acorum: quoniam Apuleius Acorum Veneream herbam quibusdam uocari scribat. Quandoquidem cùm nullam explicauerit ille rationem, qua illi Venereæ herbæ nomen accesserit, non tanti nobis fuerit Apulei authoritas: præsertim cùm plurimæ aliæ preter Galangam habeantur radices, quæ hac polleant facultate. Cum enim antiquorum nullus scriptis commendauerit Acorum ad Venerea præstare, facilè quis opinari poterit Latinis (vt audio) Veneream herbam uocari, quòd fortasse ob plantæ pulchritudinem, amoenitatem, & odoris fragran tiā Veneri illam dicauerit antiquitas, quemadmodum & Myrtum. Plures enim habentur plantæ, quæ Venerea appellantur nomenclatione, nēmp; Venereum labrum, Venereum pecten, Venereus capillus, Venereus vmbilicus. quin etiam Thymum, & Styrox, quòd suauiter spirent, Venereæ di cuntur plantæ. Adhæc in Acori historia parùm quidem Apuleio adstipulandum uidetur, quippè qui non satis constanter de Acoro scripsit. Primum enim nasci Acorum scribit in locis cultis, hortis, ac pratis contra omnium penitus sententiam, deinde uero illi afferit idem inuentu rarum, nec inueniri, nec sciri posse, nisi cum flosculum emiserit. Quæ omnia si cum ijs conferantur quæ à grauissi mis scriptoribus de Acoro scripta sunt, facilè fabulosā deprehendi poterunt. Nec minus insipidum uidetur aliud Lusitani argumentum, quòd eam ob causam uelit Galangā esse Acorum, quoniam à Plinio dictum sit libro x x v. cap. x i i i. Acorum nigras habere radices; quandoquidem crassioris Galangæ radices nigrae nusquam repertæ sunt, sed subrufescentes. Atqui illi uenia danda est: quippè quòd (vt aiunt) de coloribus cæci non iudicant. Cæterum extant apud nos Pliniani codices mendis ultimo loco expurgati, ac restituti, qui non nigras, sed subnigras legant Acoro esse radices. Quiam quidem lectionem magis probamus, quòd scripsit is paulò infra, Creticas Acori radices esse Ponticis candidiores: quinetiam quòd hæc lectio Dioscoridi adstipuletur, qui Acoro radices tribuit subal bicantes. Subalbus enim color is (mea sententia fuerit) qui ex nigro albicit, subniger uero qui ex albo nigricat, adeò ut subalbus, & subniger color parùm inter se differant. Talis autem uisitetur color ijs in radicibus, quibus paßim utimur Calami Odorati uice.

C A R D A M O M V M .

N E C sanè minus in Cardamomo cæcutit Lusitanus, ut potè qui putauerit Cardamomum quo usi sunt antiqui, lignum fuisse, non semen. Patet non leuis error, quòd, esse plenum, frangenti contumax, occlusum, farctumq; potius semen sit proprium, quām ligni. Sed Cardamomum antiquis fuisse semen, non lignum, testatur apertissimè grauissimus author Galenus libro primo de Antidotis capite quinto, ubi sic habet. Fructus autem, qui unà cum uirgultis, folijs, calicibus, ac floribus in Theriacam mittuntur, iij sunt, Scordij, Nepitæ, Marrubij, Stœchadis, Dictamni, Polij, Chamædryos, Chamæpityos, Hyperici, Centaurij. Radices autem hæc. Zinziberis, Iridis, Rhei, Quinquefolij, Costi, Nardi Indicæ, Nardi Celticæ, Gentianæ, Mei, Athamantici, Phu, Aristolochiæ tenuis. Semina uero hæc. Napi, Petroselini, Thlaspis, Amcos, Anethi, Fœniculi, Dauci, Cardamomi. Hæc ille. Recensuit etiam inter semina Cardamomum senior ille Andromachus, ubi carmine de Theriaca scripsit his uersibus.

Kai μαράθρου σπέρμα, και ιδίων καρδάμων
Kai θαραρὸν σπέρμα παρθέμενος σέσελι.

Hæc Andromachus, & Galenus aduersus Lusitanum ante tot secula scripta teliquerunt.

De Carda momo Cen fura ij.

C NIGEL.

Lusitanus Bra sauolo addi catus.
Fuchsius Ian datur.

Ridiculū ar gumentū?
Apuleio in Acori histo ria non alti pulandum.

NIGELLA CITRINA.

Censura iiiij.
de Nigella
Citrina.

ERRAT Lusitanus, quod recentiores quosdam fortè sequutus sibi persuaserit Nigellam Citrinam (liceat mihi nunc pharmacopœorum vti uocabulis) Maius Mauritanorum esse Cardamomum, Minus uero id, quod Meleghetam uocant. Quandoquidem Serapioni Maius Cardamomum semen est, quod oblongis quibusdam concluditur capitibus, ijs ferè similibus, quæ è Rosis prodeunt, granis subnigris, rotundis, in quibus minuta continentur semina angulosa, sarta, & odorata. Id quod manifesto arguit Nigellam hanc, quæ Melanthij est species (vt nobis alias satis, superq; ostensum arbitramur) Maius Mauritanorum Cardamomum esse nequaquam. Adde quod Nigellæ calix nullum intra se habeat granum, quod ipsum semen excipiat, sed parua semina tantum intercursantibus membranis papaueris modo. Præter id cum sui Cardamomi colorem subnigrum fecerint Arabes, non video cur Nigella Citrina uocata, quæ colore spectatur Citri mali, à quo illi nomen, Maius illorum Cardamomum appellari posuit.

M E L E G H E T A.

Censura iiij.
de Meleghet-
tis.

QVO'D prætereà Melegheta, Minus Mauritanorum Cardamomum non sit, quis facilè conjiceret poterit; quippè cum hoc semen calice quodam, Melanthij instar concludatur, Cardamomum uero Minus (ut Serapio inquit) suum ferat semen nullis occlusum capitibus, colore Maiori æmulo. Qui tamen color subniger Meleghetis minimè est assimilis, eò quod hæ colore sint subrufo Indici Milij instar, quod Tusci Saginam uocant, Insubres uero Melegam, unde fortasse accesit his seminibus Meleghetæ nomen. Adhæc cum Meleghetæ semen longe maius habeatur, quam Nigella Citrina, non video sanè cur consentaneum fuerit id Minus uocari Cardamomum.

CVBEBA, CARPESIVM.

Censura v.de
Cubebis &
Carpesio.

IN CVBEBIS, & Carpesio censendis quantum aberrat, quod Cubebas uelit, quibus passim utuntur Oficinæ, tum ueras Arabum esse Cubebas, tum eriam legitimum Galeni Carpesium. Verum, ut apud Arabas nullus habetur, qui scriperit usquam Cubebas esse baccas, uel semen, ita nec apud Græcos ullus extat author, qui Carpesium fateatur esse semen. Galeno enim Carpesium tenuis sunt festucæ, siue farmenta parua, Cinnamomi virgultis similia. Quare quem Mauritanis idem sit Cubeba, quod Græcis Carpesium, nullo pacto fieri posse putamus, ut vulgaris Cubeba, quæ baccharum generibus ascribenda est inter festucas, & tenuia virgulta, Carpesium esse possit, ac debet, quin etiam nec genuina Mauritanorum Cubeba: vt pluribus rem hanc in commentarijs nostris explicatam habemus.

S A L I V N C A.

Censura vij. de
Saliunca.

MVLTO' verò apertius suam declarat inscitiam in Saliunca, quam eandem arbitratur esse plantam, quam Itali Spico, recentiores quidam Pseudonardum appellant; ad quod quoque genus referunt, quæ passim uulgò uocatur Lauendula: in quo certè miror maximam hominis nescio imperitiam, an stuporem dixerim. Etenim quid alienius? quum manifestè Plinius Saliuncam foliosam assertat esse plantam adeò breuem, ut necti non possit, quin & herba uerius, quam flos, densa ueluti manu pressa, radice numerosæ cohærens. Quantum ab hac differt Pseudonardus? quum planta est fruticosa, lignosaq; Rorismarini Coronarii instar non breuis, sed bicubitalis, & flos verius quam herba, & quæ in corollis facilè necti possit. Florum enim longiores pediculi iunceo ferè lentore præstant. Prætereà Pseudonardus numerosis radicibus non cohæret, nec adeò densè fruticat, ut folia tam pertinaciter sibi ipsi inhæreant, ut tanquam manu pressa cernantur. Adde quod in Pannonia, & in Noricorum Alpium apricis locis, nusquam Pseudonardus proueniat, vbi Plinio ipso teste, numerosa prouenit Saliunca. Humilis autem & breuis Saliunca herbula est, non bicubitalis & Pseudonardi modo fruticosa, ac lignosa, quamobrem in Buccolicis poeta cecinit.

Puniceis humilis cedit Saliunca rosetis.

Tantum discrimen inter Saliuncam & Pseudonardum non cernit Lusitanus, ut humillimam herbam à bicubitali non distinguat frutice. Timendum, nisi hanc oculorum curet caliginem, ne culicem pro cane, uel fortasse etiam equo accipiat.

C I N N A M O M V M.

Censura vij.
de Cinnamo-
mo.

REDIBO in gratiam aliquandò cum hoc homine, qui alienis (vtinam tam uerè) nos locupletet diuitijs, & optimo Cinnamomo capsis (ut ille inquit) cannella refertis, quæ ab India deseruntur Antuerpiam, nos abundare iactat, & contra omnium præclarissimorum authorum sententiam sibi persuadet, Cinnamomum esse corticem tantum suæ arboris non lignum. Nouitatis audius nouum credo aliquid afferre studuit. Fidem idcirco suæ authoritati adhibendam minus dubitauit, quod iam fama increbuerit

increbuerit apud omnes Lusitanos, peragatis Africæ & Indiæ regionibus, Aromatum multa genera esse aduecta. Miror cur non se in his quoque partibus fuisse fingat, ut maiorem huius commenti faciat fidem. Sed cùm nec ipse id asserat, nec Lusitani, qui nauigij istas terras petierunt ullam huius rei afferant historiam, nos Lusitano in istis commentitijs inuentis astipulemur? Præsertim cùm non desint probatissimorum scriptorum testimonia, qui repellentes has nugas apertissimè fateantur Cinnamomum virgultum esse pumilæ arboris non corticem tantum. Id enim in primis testatur Dioscorides, sic inquiens. In Cinnamomi Mosylitici uocati genere præstat recens nigrum, ex vinoso in cinerem uergens, lœue, tenuibus ramulis, ac frequentibus nodis cinctum, perquām iucundè olens.

Cinnamomum est virgultum pumilæ arboris.

Quibus palam fit Cinnamomum virgultum esse tenue nodis pluribus constans. Huic subscrimit Galenus libro primo de Antidotis his uerbis. Quæuis autem Cinnamomi species ab una radice, ceu frutex quidam parvus consurgit, emititq; hæc sex, illa septem virgulta, uel plura, paucioraue; non æquali tamen omnia longitudine sunt; Verum quod maximum est, pedis Romani dimidium non excedit. hæc ille. Adebat adhæc liber de simplicibus medicamentis ad Paternianum Galeno ascriputus, qui etiam de Cinnamomo sic habet. Cinnamomum sunt rami ferè, ac virgulta, quæ ab una radice plura ex crescunt, recta & minuta, breuiasq; colore subrufo, & cortice extenso non rugoso, qui cortex non ita facilè ungue à ligno abraditur: nodulos plures, & interualla habent, & in medio lœues habentur. Si uero frangantur, quasi puluerem emittunt, odore omnia uincentem. Ferè enim hæc maxima probatio Cinnamomi est, quod sit omnium rerum odoratissimum. Quibus grauissimus accedens author Aristoteles Cinnamomum surculum esse testatur libro 1 x. cap. xiiii. de historia Animalium, sic inquiens. In Arabia & Auis Cinnamomus appellata, quam surculos Cinnamomi portare, & nidum ex his confidere aiunt. Nidificat excelsis arboribus, & ramis, sed incole sagittis plumbatis nidum petunt, atque ita discullo in terram, Cinnamomum legunt. Adhæc Cinnamomum surculaceum esse virgultum fatetur Galenus loco superioris citato, vbi ait plura apud Imperatores extare Cinnamomi genera, quorum nullum ueluti truncus in ramos plures diuisum multum attollebatur, sed Hellebore figuram præ se serebat, uel potius Damasonij. Quibus palam est Cinnamomi virgulta adeò tenuia haberi, vt Hellebore, uel Damasonij radices non excedant. Adde quod quū ipse dicat Galenus ramulos accepisse Cinnamomi, non cortices ex eo quod à Traiano, & Hadriano imperatoribus repositum fuerat, vel eos quidem ramulos apud se seruasse, facile constabit omnibus Cinnamomi virgultum esse tenue; & non solùm in ipso cortice, sed in ligno odoratam repe- riri facultatem. Quandoquidem si Cinnamomum cortice tantum præstaret, cur prætulerit Di- scorides ramulos, quemadmodum & Galenus, sanè non video. Quamobrem Lusitano fabulā hanc ego tantum acceptam referam, præsertim cùm præter assignata testimonia nemo sit, Lusitano excepto, qui Venetijs, quod vulgare Cinnamomum ex India assertur, perinde ac Antuerpiam, vñquam uiderit, repereritq; Cinnamomi virgultum, quod genuinum repræsentauerit. Nimis quoque va- na est opinio, qua credit Galeni tempore non eam fuisse Cinnamomi penuriam, qualem recentiores quidam existimant. Id quod Galeni ipsius testimonio falsum esse conuincitur. Ipse enim libro pri- mo de Antidotis, vbi Casiam expendit, sic inquit. Hæc aduersus Quinti dictum obiecta sint, eò quod mihi rei ciendum omnino non uidetur eorum præceptum, qui pro Cinnamomo duplum Ca- sia imponendum censem; quanquam ego semper Cinnamomum imposuerim. Nam quibus ego Romæ antidotos composui, cùm uel Imperatorum amici, uel diuites essent, facile fuit illis Cinna- momum à Regibus petere, ijs uero Cinnamomum emere. Hæc itaque Galeni sunt verba; quibus facile quis certior fieri poterit, an Galeni tempore tanta fuerit Cinnamomi copia, quantam Lusita- nus describit, vt suam tueatur fabulam. Non enim fuisset opus medicis alijs pluribus, qui Romæ Ga- leni ætate florebant, suis in theriacis modò Casiae duplum, modò Carpesium (vt Quintus) Cinna- momi loco substituere, si genuini consequendi Cinnamomi illis tam ampla fuisset facultas.

Cinnamomi virgulta te- nua Helle- bori radicu modo.

Lusitani opi- nio uana.

Cinnamo- num Galeni tempore e- tiā rarum.

Césura viii. de Laccā A- rabum.

Lusitani cen- turix fabulo- sa.

Lusitani Lac- ca historia fabulosa.

LACCA ARABVM,

C O N S U L T V M longè melius (mea quidem sententia) fuisset Lusitano, si poeticæ potius quam medicæ facultati se totum addixisset; nam qui eo in effingendis fabulis aptior, promptiorq; se præstiterit; video protectò neminem. Id enim omnibus palam fiet diu in re medica uersatis, qui diligenter istius intuebuntur Centurias, in quibus innumera se se offerunt sigmenta, adeò rem seriam præ se ferentia, ut ea quis difficillimè fabulas esse noscat, nisi medicæ facultatis fuerit recte peritus. Ve- rū cùm ad hoc illum natura pepererit, mirandum sanè non est, si à fabulandi facultate discedere nequeat, sed potius illi uenia danda: quippè qui id propria agat natura, qua in præsentia ductus de Mau- ritanorum Laccā scripturus euadere non potuit, quin fabulosi aliquid admiseret his verbis. Qui huic usque Cancanum Laccam esse putarunt, miro errore deprehenduntur, cùm Cancanum Gum- mi odoriferum sit, Laccā uero siue mansa, siue suffimentis explorata inodora percipitur. Quam ho- die Lusitani ex India afferunt rubram, translucidam, tincturis præcipue deseruientem, & ex ea Of- ficinae compositionem quandam præparant, Dialaccam appellatam, quæ (vt certò scimus) non gum- mi, aut arboris, plantæ ue alicuius gutta est, sed potius formicarum alatarum sterlus, fauagoq; uelut

C z cera

Lusitani fabula explodiatur.

cera apum. In regno igitur Pegu dicto apud Indos cùm terra, vel pluia, vel arte plus iusto irrigatur, formicæ prædictæ ligna quædam subtilia ab incolis sic disposita in altum ascendunt, in quibus Laccam generant, & haec de causa in Lacca ligna ipsa percipimus, quæ dubio procul arboris non sunt Laccam ferentis, ut hucusq; omnes serè crediderunt. Hæc illius est fabula. Atqui illi maximè refraga tur Ludouicus ille Romanus libro sexto suæ nauigationis, ubi de his agit aromatis, ac mercimonij, quæ Sumatra insula, sive Taprobana mittit, sic inquiens. Mittit etià ea regio Lacca, unde conficiunt rutilum colorem. Gignitur hæc in arbore iuglandibus nostris haud absimili. Hæc ille. Cui subscriptit Ioseph Indus cap. cx li. vbi satet in Cambaia Lacca uberior nasci, quæ alibi gentium, non autem fieri, gignue formicis, aut scarabæis, ut læpidius & facetius quæ uerius fabulatur Lusitanus. Præterea cum duplex sit Lacca, quæ Alexandria Aegypti Venetas comportatur, altera lignis quibusdam inhærens Sumatri à Sumatra fortassè insula nuncupata, altera Cambaïti à Cambaia denominata in glebas Myrræ instar concreta, nulli inhærens ligno, non est, cur Lusitani fabulam, historiam putem. Siquidem gleba illa sole clarus palam facit, Lacca gummi esse arboris, non quidem, ut per somnum uidit Lusitanus, formicarum alatarum stercus, quibus etsi ubique scateat tota Europæ regio, nusquam tamen uisæ sunt alatae formicæ, quæ Lacca, aut simile aliud excernerent. Ceterum quum satis superq; nobis comprobatum sit in Commentarijs in Dioscoridem editis Mauritanorum Lacca, & Græcorum Cancamum esse idem, adeò ut pluribus id comprobare testimonij non sit opus, cadit, peritq; Lusitani sententia, quam sequi nemo debet.

ELAEOMELI.

Censura ix. de Elæomele.

TRIPLECTI se pariter implicat errori in Elæomele, quod ipsum defluere suo more fingat è Palmarum caudicibus. Tum quod hinc duo liquorum genera putet apud Dioscoridem defluere, nō unum tantum, Mel nimurum per se & Oleum ex eadem arbore manantia. Præterea ut noui semper aliquid apportet, quod hunc liquorem ex Indica nuce credat distillare. Deprehenditur in primis error ex ipsiusmet Dioscoridis uerbis, qui Elæomelis historiam ita præfatur. In Palmyris Syriae, quod Elæomeli uocant ex quodam caudice manat oleum melle crassius, sapore dulci. Quibus palam est de uno tantum liquore scripsisse Dioscoridem, nempe de Oleo, quod ob melleam dulcedinem uno uero tantum Græcis Ελαιόμελοι uocatur; nam & capititis titulus επὶ Ελαιόμελος habet, non autem περὶ Ελαῖον καὶ μέλος. Præterea ex Dioscoridis historia nunquam probari poterit Elæomel è Palmarum caudicibus fluere, quum is nusquam descriperit caudicis illius nomen, à quo in Syria funditur. Sed esse falsum palmas liquorem hunc fundere manifestò fatetur Plinius libro xxi. cap. 111. ubi ex Olearum quarundam truncis, non ex Palmis fluere Elæomel affirmat. Quod autem ex Indica nuce Elæomel manare non crediderim, id sanè mihi licere persuaderim, quod huius historiæ neminem habeam authorem præter Lusitanum.

MACEA.

Censura x. de Macere.

Lusitani insolentia.

CONTENDIT maximè Lusitanus, utpote qui semper falsa tueri nititur, Macim, quo Myristicæ nuces prætextus instar conteguntur, & Græcorum Macerem nihil inter se differre. Cui nisi quis astipuletur, illum seuerus iudex contumacem declarat: tantâ sibi arrogat authoritatem, ut certò putet unumquenque suis debere astipulari deliramentis. Verum quum id nulla afferat ratione, vel autoritate, ipse meritò non modò contumax fuerit declarandus, sed insolens, uercors, ac delirus. Quippe qui potius errori patrocinari uoluerit, nihil perpendens, & aliorum subscribere ineptijs, quæ ueritatem amplecti, ac tueri. Atqui quum nobis in Commentarijs nostris in Dioscoridem editis, abundè comprobatum sit, cum Græcorum, tum etiam Mauritanorum testimonij, horum Macim Myristicæ nucis esse tegumentum, ut ipso oculorum intuitu unusquisque uidere potest, illorum uero Macerem corticem esse radicis magnæ (vt apertissimè libro xi. cap. viii. testatur Plinius) non est ut hic pluribus istius Centurionis insolentiam, & inficitiam redarguam. Eò itaque se conferre poterunt, qui hasce differentias hactenus non considerarunt.

ERICA.

Censura xj. de Erica.

Erica bis in anno floret.

NEC minus in Erica hunc deceptum reperio, quippè qui neget contra omnium doctissimorum uirorum sententiam eam plantam, è qua uniuersa serè Hetruria ad mundandas ædes scopas sibi parat, ullo pacto esse Ericam; hoc tantum inani arguento fretus, quod hæc semel tantum in anno floreat, quum tamen Erica Theophrasti testimonio bis in anno florere debeat. At quæ decipitur? cùm non nobis tantum, sed alijs quæ plurimis obseruatum sit plantam, quam Ericam uocamus bis in anno nempè uerno, & autumnali tempore sine ulla controversia florescere. At cùm libro tertio scribat Dioscorides Corim herbam Ericæ folijs prouenire, constetq; id Ericam nostram per omnia referre, palam fit omnibus hanc legitimam esse Ericam.

ACA

A C A C A L I S.

A C A C A L I M nasci scribit apud suæ gentis Olyspóna Lusitanici regni metropolim fructu albo, pusillis margaritis simili, ex planta quadam inter Myricam & Ericam media. Sed quòd ad fabulas redeat, palàm sicut Dioscorides, qui scripsit Acacalim semen haberi Aegyptij fruticis Myricæ semine simili, non autem Acacalim fruticem esse Myricæ similem. Cæterum cùm duo sint Myricæ genera, alterum fructum gerens quasi florem compage muscosum, alterum uero Gallæ similem; videat obsecro, qui rem medicam profitentur, quām negligenter Dioscoridem legerit Lusitanus, quin & qua authoritate, vel ratione ductus affirmare ausus sit Acacalis semen pusillis margaritis non esse absimile: quum antiquorum quispiam (quod sciam) nusquam id scriptis commendauerit.

Censura xii.
de Acacali.

Myrica duo
genera.

P A L I V R V S.

I N P A L I V R O confundens historiam pede prolabitur, siquidem putat Dioscoridis Paliurum & eam, de qua libro III. cap. XVII. de historia Plantarum tradidit Theophrastus, & Galenus octauo de simplicium medicamentorum facultatibus, illam esse arborem, quam Agrifolium vulgo uocamus, folio lauri, per ambitum aculeato, crasso, perpetuoq; fructu Rusci modo rubente. At tam Dioscoridi, quām Theophrasto citato loco Paliurus frutex est, non arbor, & semen in filiis profert, fuliginosum, mansu lentorem relinquens, seminis lini modo. Id quod in Agrifolio nusquam spectari potest, cum baccifera sit arbor. Nec propterea negauerim Agrifolium aliud esse Paliuri genus, quod (vt ipse quoque Theophrastus inquit libro & cap. IIII. de historia Plantarum) in Africa nascitur, quum notis omnibus illam referat. Verum non ob id affirmauerim Agrifolium alterum illud esse genus, quod filiis profert. Sed cùm Lusitanus fortasse audierit Agrifolium inter Paliuri genera haberet, nec unquam legerit Paliuri differentias apud Theophrastum, nulla adhibita distinctione pro omni Paliuro Agrifolium adducit. **Q V I N** & in hoc decipitur, quòd certò crediderit Paliurum à Plinio descriptum libro X III. cap. XI. & à Theophrasto libro & capite quarto esse Dioscoridis Paliurum. Error sanè per se patet, quòd Dioscoridi Paliurus semen in filiis ferat; Theophrasto vero & Plinio citatis locis fructum ferat rubrum filiis nullis insertum. Nam tametsi filiuarum non meminerit Dioscorides, sed tantùm seminis, quum tamen rara in arboribus sint semina, quæ filiis, uel uasculis quibuslibet non asseruentur, non temerè censi potest filiis prætermisisse Dioscoridem. Nam si de Africana Paliuro scripsisset is, fructus meminisset non seminis. Adhæc quum Theophrastus Paliuro filiis ferenti easdem tribuerit tum uires, tum qualitates, quas suo reddidit Dioscorides, ambigendum sanè non est, quin Dioscoridis Paliurus semen in filiis ferat.

Censura xiiij.
de Paliuro.

Censura xiiij.
in eodem Pa-
liuro.

R I B E S .

M A V R I T A N O R V M Ribem vulgi opinionem sequutus eam arbusculam censet hortis, & uidarijs familiarem, quæ folio exit uitigineo, paruo, alba Populo emulo, ramulis lentis, obsequiosisq; topiarijs aptissimis, è quibus fructus racematis dependent, acinis magnitudine piperis, rubentibus, sapore subacido. Sed manifestè refellit eum Serapio (Ribes enim Arabica planta est) Ribem afflerens esse arborem capreolos proferentem colore viridi rubescente, folijs latis, magnis, rotundisq;: quæ quidem notæ in nostra Ribe omnes desiderantur. Vulgaris enim Ribes nec fert capreolos, nec lata, nec magna, nec rotunda folia, sed parua, uitiginea, & diuisuris per ambitum laciniata.

Censura xv.
in Ribem.

Ribis legiti-
mæ historia.

ROSAE DAMASCENAE.

Q V O in altum magis in hoc turbulentio mari vela facio, eò flagrantius ad portum aliquem me receptum uelim. Tædet profectò cum istis ineptijs me diutius ad nauem vsque conflictari. Sed quid agam? In portu erat resipiscendum, nunc danda vela, quæcumque se offerat molestia. Maxime cùm ita diluantur ipsius nuge, ut hinc ad seria reuocemur. Audite quælo lepidam hominis peritiam. De Rosis enim scribens, quas Damascenas appellat, quasque vulgus Moschettas vocat, quòd odoris fortasse fragrantia Moscum resipiant, non solum has non minori ui deiectoria pollere existimat, quām Scammonia, sed exitiosissimum esse medicamentum pariter contendit. Hoc vt confirmat, animal prorsus huic subtextit fabulam, quòd Venetijs viderit (liceat mihi nunc suo uti testimonio) nobilissimam quandam suæ gentis mulierem Beaticem à Luna uocatam, quæ quum semel tantum sacrarum ex hisce Rosis paratum à medico quodam Veneto tanquam medicamentū quod nullo incōmodo aluum ciceret, degustasset, statim fauci & linguae desquamationē, quin & uentriculi erosio nem contraxit. Nihil ad me attinet de illa, quam adducit, muliercula. Primū (ut ego mihi testis esse possum) id contra Lusitani sententiam maximè pugnat, quum sepius ipse met id sumptuoso dicamentum,

Censura xvi.
de Rosis Da-
mascenis.

C 3 dicamentum,

Lusitani iudi-
cium falsum,

dicamentum, alijsq; frequenter dederim sine ullo prorsus incommodo, adeò ut quandoque pueris felicissimè propinauerim. Præterea non magno negotio deprehendi potest Lusitani iudicium esse falsum, quod mansa hæc rosa nullam penitus gustui relinquat ac redinem, sed tantum se ostendat tum adstringentem, tum etiam subamaram. Id quod manifestè indicat, ut nulla faucium, aut lingue erosion, inflamatio ne hinc degustantibus accedere possit. Mihi enim hasce rosas sèpè mandenti, ut quandoque adstrictam excitarem aluum, nihil erosionis, inflammationisq; accessit. Quo fit, ut quis rectè opinari possit, suo inconstanti iudicio delusum esse Lusitanum, ut potè qui huiusc medicamenti cultatis penitus ignarus, symptomatis illius causam in illud perperam reiecerit. Cum potius credendum sit id ab acrum, salorumq; succorum defluxu prouenisse, qui forte fortuna eo tempore, quo rosaceum illud saccharum mulier illa sumpsit, à capite in eas partes labi cœpit. Nec putauerim unquam medicum illum Venetum, quem tamen nominare non audet Lusitanus, adeò exordem, imprudentem, negligentemq; fuisse, ut tam nobili, ac diutius mulieri medicamentum præbuerit, cuius ignorauerit uires, præsertim cum ad huiusmodi ditissimos ægrotantes ij plerunque accedant medici, qui primas in ciuitatibus tenent. Atqui magis sanè demiror hominis imperitiam, quod tam acriter dannauerit has Damascenas Rosas odore per quām suavi fragrantes, è quibus clementissimum illud paratur medicamentum nullo penitus incommodo aluum ducens. Contrà uero tam magnis laudibus pratulerit ad eandem exoluendam Persici arboris flores; quin & syrum ex eorundem diluto paratum. Quandoquidem (ut iam sexcenties obseruauimus) Persici arboris flores ad ducendam aluum deuorati, incommodis quām plurimis sumentes afficiunt, nempe crebris uomitionibus, uentriculi & intestinorum torminibus, animi deliquio, & crebris alui deiectionibus; quæ omnia plerunque se quitur frigidus sudor, astuatio, uirium amissio, & corporis uniuersi imbecillitas. Præter id, quis nam Amathum hunc meritò Auzanū non appellauerit, cum eò ignorantia peruenisse constet, ut certò sibi persuaserit Ieleniabin è Persicis rosis paratum, de quo pluries in febrium curatione, & uentriculi dolore meininit Auicenna, ex Persici arboris floribus parari debere? Sed quām falsa, ac ridenda teneatur opinione, luce clarior ostendit ipsa medicamenti nomenclatio, quippè Ieleniabin Mauritaniae omnium præclarissimorum medicorum consensu nil aliud designat, quām Mel Rosaceum. Sed quonam pacto Rosaceum Mel è floribus Persici arboris parari possit (ah, ah, ah pra risu scribere ferè nequimus) qui sciunt, doceant; quum id haftenus nec uiderim, nec legerim usquam. Constat enim per Rosas Persicas nil aliud uoluisse Auicennam, quām Puniceas. Siquidem libro quinto, ubi is de compositione medicamentorum omnium egit, de quibus in uniuerso meminit volumine, Ieleniabin ad febres, & uentriculi dolores parari iubet è Rubeis Rosis, non autem (ut Lusitani uana fert opinio) ex Persici arboris floribus. Id quod manifestè indicat, nil aliud Persicas Rosas Auicennæ designare, quām Puniceas, Persicas ille fortasse uocatas, quod à Persis in suas uenerint regiones. Nam & nos Damascenas uocamus eas, de quibus diximus, quod è Damasco Syriae primò ad nos peruenient.

PALMAE INVOLVCRVM.

Censura XVII
in Palmæ In-
volucro.

FALLIT VR. Præter id Lusitanus in ea examinanda palma, quam Græci ελάτη uocant. Is enim nil aliud Palmæ Involucrum ελάτη græcis uocatum primum esse existimat, quām Nucis Indicæ uillosum tegumentum, hoc tamen argumento fretus, quod Nux Indica uocata ab arbore proferatur (ut referunt qui in Indiam peregrinantur) Palmæ simili. Deinde uero sua fortasse inconstans ductus, in eiusdem capitis processu, reuocata priori sententia, (qui talium puerorum est mos) nil aliud tandem affirmat apud Dioscoridem esse Elaten, quām Palmæ germen, quod Græcis Encephalos dicitur; ea ratione innexus, quod scripsit Galenus libro octavo de simplicium medicamentorum facultatibus, id rectè Elaten uocari. Sed gemino hic se implicat errore. Quandoquidem Dioscoridi Palma Elate nil aliud est, quām fructus Palmarum adhuc florescentium inuolucrum, calixq; non nucis alicuius tegumentum, nec germen. Indicæ enim Nucis nusquam meminit Dioscorides, nec (quod sciuerim, legerim'ue) antiquorum aliquis. Quo fit, ut censendum sit, huiusc Nucis inuolucrum nunquam antiquis, innotuisse. Porro Palma arbor, quæ daetylos profert (id quod penitus ignorare Lusitanum non ambigimus) primò inuolucrum magnum edit foliculi cuiusdam instar, in quo quām plurimi flores includuntur, qui longo pediculo serie quadam pendentes racematum coherent. Id tractu temporis dehiscit, emerguntq; flores. Carpitur deinde inuolucrum ad plura utile, idque est, quod Dioscoridi Elate appellatur: quæ si non ignorasset Lusitanus, non ita fortasse facile, dum duabus uult insidere sellis, duabus hinc parietibus caput impegit. Nec nobis sanè obstat Galeni authoritas, qua nititur Lusitanus. Siquidem Galenus loco superius citato, duo facit Elates genera, unum quod germen est ipsius Palmæ, aliud uero tegumentum, de quo tantum scribit Dioscorides, cui etiam Elates duo produntur genera; quorum unum illud est, de quo diximus, aliud uero id totum, quod inuolucro illo concluditur; quorum nullum Nucis Indicæ tegumentum, nec Galeni Encephalon esse potest. Ceterum ut fortasse probet Elaten plura apud antiquos designare, Plinium in medium afferit, quippè qui scripsit libro duodecimo secundo, cap. vltimo, atborein quandam esse Abietem uocatam unguentis expeditam, quam alij Elaten uocant, alij Palmam, alij Spathen. Id quod maximè

Palma Elate
Dioscoridi
quid.

Palmæ Ela-
tes historia,

Galenos Ela-
tes duo gene-
ra. Quin etiā
& Dioscori-
di.

maximè palam facit, quām imprudenter uelit Lusitanus aliorum errorum inficitia suam tueri opinionem. Siquidem Plinius non satis apte locutus deprehenditur uocabulorum similitudine deceptus. Ipse enim cū legisset apud græcos Αβετηνην Arborem designare, quin & Αβετηνην quibusdam uocari Palmam Elaten siue Sparten, & hanc in unguentis addi; magno ac pudendo errore putauit, idem esse Abietem arborem, & florescentium dactylorum Inuolucrum, quod ad unguenta spissanda expebat antiquitas.

Plinij error,
quem maxi-
mè sequitur
Amathus.

PERSEA ARBOR.

R E P R E H E N D I T Aliorum opinionem, ut uanam, qui Persea arborem existimant à Persico nostrate differre. Sed quām ille totus sit uanus, & quām magno ducatur errore, facile quis animaduertet ex probatissimorum authorum testimonij. Nam (ut Theophrastus memorie prodidit libro quarto, capite secundo, de Plantarum historia) Persea arbor est Aegypti aspectu magna, formosaq; folio, flore, ramo, totaq; figura potissimum Pyro proxima, nisi quōd altera folio perpetuo, altera deciduo est. Fructum abunde parit, omniq; tempore perficit. Noxus anniculum semper occupat, maturitas anniversariorum afflatu conficitur, reliquum crudiore auferunt, atque reconidunt. Fruetus est magnitudine Pyri figura oblongus, Amygdalæ modo colore herbidus, nucem intus habet, ut Prunum, uerùm longè minorem, mollioremq; Caro eius suavis, ac prædulcis manditur, concoctuq; facilis, & innocua etiam largiore cibo sumpta. Radice arbor exuperat tum longitudo, tūm etiam crassitudine, multitudineq;. Materie constat robusta, dura, uisuq; decora, ueluti Lotus, quapropter ex ea, & simulacra, & leñtulos, & mensas, & reliqua similia fabricant. Hactenus Theophrastus. Cæterū si Persæ Aegyptiæ notæ cū Persico nostrate conferantur, qua uniuersus scatet orbis, liquidò constabit has plantas nihil minus in ster se distare, quām à Quercu Salicem. Persicus enim arbor, quæ nostris in hortis, uiridarijs, ac uinetis passim frequentissima uisitatur, proceræ, magna, formosaq; nusquam uisitatur, nihilq; cum Pyro cognitionis habet; sed potius per omnia Amygdalum refert. Quin nec fronde perpetuò uiret, nec fructum omni tempore perficit, nec oblongus is est Amygdalæ instar, sed orbiculatum in sphaera modum, colore minimè herbido; sed cū maturuerit, aut subpallido, aut subcandente, aut rubente, aut flavo. Huic oſſiculum præter id Pruno minus non uisitatur, sed quandoque duplo, tripluq; maius, nec illi figura simile, quin nec fractu facilius, sed longè contumacius. Adhæc nostratis Persici fructus gustu prædulci non percipitur, sed potius subaustero, aut uinoso. Addè quōd uulgaris Persici fructus maximè damnauerit Galenus libro secundo de Alimentorum facultatibus, ut praui succi alimentum, & qui facile corrumpatur, & noxam uentriculo inferat. Contrà uero qui ex Aegyptia Persea proueniunt. Postremò Persicus nostras radice nititur breui non longa, tenui non crassa, rara non multiplici, & proindè rarissime annosu reperitur. Contabescit, peritq; facile, quōd imbecillibus admodum sustentetur radicibus. Ob idq; ligni materies illi rara, fungosaq; cernitur, nec nisi ad ignem apta; quum tamē Aegyptiæ Persea solida, compacta, pulcherrimaq; spectetur, ut potè quæ in multiplices ueniat usus. Quo fit, ut omnino Amatho amentior, & Lusitano lusciosior fuerit, qui non nouerit Perseam Aegypti arborem à uulgaris Persico plurimum, atque plurimum differre. Id quod etiam comprobatur Plinij testimonio, qui libro x v. cap. xiiii. sic scriptum reliquit. Nam Persicæ arbores sero, & cum difficultate transiere, ut quæ in Rhodo nihil ferant, quod primum ab Aegypto eorum fuerat hospitium. Falsum est uenenata cū cruciatu in Persis gigni, & pœnarum caufa à Regibus translata in Aegyptu, & terra mitigata. Id enim de Persea diligentiores tradunt, quæ in totum alia est, nec extra orientem nasci uolunt. Eam quoque negauerunt eruditiores ex Perside propter supplicia translata, sed à Perso Memphi satam, & ob id Alexandrum illa coronari uictores ibi instituisse in honorem atque sui. Semper autem folia habet, & poma, subnascentibus alijs. Hæc Plinius. Verūm non modò hic & pariter Theophrastus destruunt Lusitani euaniad sententiam, sed etiam grauissimus author Galenus, qui libro secundo de compositione medicamentorum secundum locos, manifestè testatur in nulla alia Romanis subdita gente uidisse Perseam arborem, præterquām in Alexandria Aegypti. Sed ubi rerum testimonia adsunt, quid opus est uerbis? Hoc tamē tantum addam, quōd cū per longas ante Galenum ætates Persicus, uulgaris notitiae arbor, uniuersam occupauerit Græciam, Italiam, ac alias paſsim regiones; si Persicus nostras ab Aegyptia non differret Persea, nullo pacto credendum est, eò dementiae peruenisse Galenum, ut posteritatis memorie commendauerit, nusquam gentium uidisse Perseam, nisi tantum in sola Alexandria.

Censura xv-
iiii. de Per-
sea.
Persea arbo-
ris historia
ex Theopha-
sto.

FLUVIATILES CANCRI.

Q V V M Lusitanum de Fluvialibus Cancris differentem legerem, tenere me non potui, quin in uehementem soluerer cachinum. Siquidem illum eò inficitæ peruenisse offendit in hisce censendis, ut Aquatiles Testudines Cancrorum affirmauerit esse genus eò grauissimo arguento impulsus, quōd hec tis, & lenta febre laborantibus maximè commendentur, O lepidum caput, sine helleboro tibi cerebrum

Censura xxx.
de fluviatib.
cancris.
Ridenda Lu-
sitani amen-
tia.

cercbrum demulceam? Serio'ne hæc dicuntur ab Amatho? an risum sua ueritatem mouere studet? Nimirum adducor, ut credam (si id serio fatear, quod sentio) aliquo amentia genere illum quandoq; uexari, & proindè tunc temporis non nisi huiusmodi deliramenta describere. Nam & Ranæ, & Coeleæ in Cancrario genere erunt, quod hæc tis maximè conferant, si potius Lusitanæ delirio ad dicimur, quam ueritati.

M A R I N V S S C O R P I O .

Censura xx.
de Marino
Scorpione.

M A R I N V M Scorpionem paruum quoddam putat esse animalculum, quod ex Cancrario gene re existimauerim (uidimus . n. illud sèpè in Hadriatici littore tanquam inutile à Piscatoribus reie cillum) longis, ac tenuibus cruribus, corporis forma terrestri scorpioni simili, chelis pariter tenuissimis, cauda nulla, & omni penitus pulpa carens. Gulielmus Rondoletus libro x v i i l. cap. x x i e. de Marinis piscibus animalculum hoc Cancrum βαρχογίλην uocat. Verum Aristoteli, Hicetio, Galeno, Athæneo, Plinio, Aelianoq; Scopius pelagius est pisces, & inter nullos asellos, lacertos, cernuas, & quotquot sunt, alios duræ carnis recensetur, non autem in Cancrario genere. Quum autem eius historiam in commentarijs nostris in Dioscoridem pluribus descripsierim, & ueram Scorpionis imaginem appinxerim, eò se conferre poterit Lusitanus, si cæcitatibus suæ remedium non neglexerit.

R A N A E .

Censura xxi.
de Ranis.

V B I Ranarum vires expendit Lusitanus, proculdubio aberrat, quod omnes in uniuersum Ranas uenenosas censeat, adeò ut in Actium inuehatur, quod is libro i i i. cap. l v. palustres ranas in ter uenenata recenseat, & tamen libro secundo earum ius tanquam alexipharmacum prætulerit ad uenenatorum reptilium ictus. Error nimis est manifestus, quod quotannis infinitus ranarum numerus Italis in cibum ueniat ex his, quæ in paludibus, & scrobibus morantur, & nullo tamen incommodo comedentes afficiunt. Nam si (ut Lusitanus inquit) Ranæ omnes uenenosæ essent, nulli dubium est, quin quam plurimi earum esu interirent: quum non desint homines innumerí, qui ijs tantum sèpius satientur, nulla ob id accidente noxa. Nec sanè sententiæ nostræ obstat, quod Galenus lib. de Cibis boni & mali succi scriptum reliquerit, à Ranis esse abstinentem. quippè is Ranas non detestatur, quod ueneno aliquo sint infectæ, sed quod malum in corpore succum procreant, perindè ac pisces in stagnis & paludibus degentes. Quippè si Galenus putasset uenenosas esse Ranas, nunquam eas inter cibos retulisset. Sed magis fortassis Lusitanus credo lege percitus Mosaica, quam ueritatis sustinenda desiderio in Actium inuestus est, quem (pace eius dixerim) non intellexit. Ipse enim libro secundo de Viribus animalium agens, quæ in usum medicum ueniunt, ubi deuenit ad palustres Ranas, quæ passim ab omnibus eduntur, Ranæ palustres (inquit) in aqua elixa, saleque & modico oleo conditæ, uenenorum reptilium ictus, si ius earum bibatur, magnum præsidium afferunt. Id quod ex Dioscoride deponit, qui pariter de his egit ijdem uerbis. Quibus manifestè suffragatur Plinius libro x x x i i. capite quinto, ubi non modò Ranarum ius prætulit contra serpentum ictus, sed etiam ad Marini Leporis uenenum, hausta uenena, deuoratum Rubetan, Salamandramq; ijs laudibus prætulit. Nec ob id uelim fortassis putet Lusitanus Actium sibi ipsi repugnasse. Quippè qui dixerit libro x i i i. quod deuorata palustris Rana tanquam uenenosa uarijs, ac multis uexet incommodes. Quandoquidem ibi de palustribus Ranis non egit, quæ in cibum veniunt, sed de uenenosis, quæ è Bufonum sunt genere, & in paludibus præsertim foetidis morantur. Ipse enim cum proximo capite de Rubetis Ranis egisset, quas Bufones alij appellant, uoluit de aquaticis etiam Bufonibus, quos Graeci sub Ranæ palustris nomine comprehendenterunt, uerba facere; quoniam sciuerat Bufones, & terrestres, & aquatiles reperiri, ut unumquemq; compertum habere non ambigimus, qui diligentius, accuratiusq; materiæ mediceæ operam nauarit, quam fecerit Lusitanus. Id quod manifestè declarat libri illius titulus, qui de Noxiiorum animalium morsu, & de bestijs uirus ejaculantibus inscribitur. Nam & idem legitur apud Dioscoridem; quippè qui libro secundo de Ranis, quæ in cibum ueniunt, egit; sexto uero, ubi peculiariter de Venenis, & Venenatis animalibus tractauit, de Rubetæ, & palustris Ranæ curatione caput proprium edidit. Adeò ut iam nobis fateri licet, neutquam in re medica Lusitano esse astipulandum.

Lusitano Re
ligio.

Lusitano in
re medica nō
esse astipulan
dum.

Censura xxii.
de Gallinis.

A T Q V I nulla mihi amplius est contentio cum Medico, optime lector, uerùm cum solertissimo degustatore, vel coquo potius, quo plurimum recreatur officio regalium epularum. Gallinas inferioris Germaniae præ nimia algoris inclemencia carnes habere scribit hircinis, vel caprinis deteriores, & proindè malum, uitiosum ue præbere alimentum; quin & raro ibidem homines idcirco uesci gallinis. O indagatorem omnium eduliorum. Patere id me te percontari. Quis amabò te ibidem Princeps suæ præfecit culinæ, ut istis eum spoliares delitijs? Id quum ego mecum admiratus Flandris quibusdam

G A L L I N A E .

busdam exponerem, fabulam esse aiebant. Quippe quod non minus in eorum regionibus carnium probitate, saporisq; iucunditate praestent gallinæ, quam alibi. Adhæc pariter fabulosum esse fatentur, quod raro gallinis ibidem uescantur incolæ, ea ratione innixi, quod earum cibus reprobum generet alimentum; sed quod multi fortassis à gallinis abstineant sumptui parcentes. Quod autem præter rationem ij medici agant (ut ait Lusitanus) qui post exactam purgationem ad uentriculum abster gendum ab inhærente medicamento simplex gallinarum ius exhibent, sanè non improbamus; sed qui sint lij prorsus ignoramus, quum in communi omnium medicorum usu perpetuò esse sciuem, ius illud hoc in negotio nunquam exhiberi, nisi saccharum admisceant rubeum. Nec id temere factum putauerim, quum non ambigam ius ita paratum non modò abstergere, sed etiam posse robore. Id quod à purgatione plurimum præstat.

L A C S C I S S I L E.

L A C S C I S S I L E Nil aliud esse censet, quam lac ipsum simplex per se acescens. Conuincitur ipsius Dioscoridis testimonio, qui huiuscē parandi lactis rationem scribit his uerbis. Ex omni lacte fit, quod Scissile appellant, hoc modo. Lac fictili nouo feruet, ramoq; fculneo recenti mouetur, insparlis, postquam bis uel ter effuberit, totidem aceti mulsi cyathis, quot sunt lactis heminae. Ita enim serescens liquidum ab eo diuiditur, quod in caseum concreuit; sed cum feruet, ne supersfundatur, conueniet sponsia ex frigida continuo fictilis labrum detergere, sextariumq; argenteum frigidæ aquæ plenum demittere. Hæc ille. Dioscoridi subscrabit Galenus libro decimo, de simplicium medicamentorū facultatibus, ubi de Canino stercore egit: quin & Paulus libro primo cap. lxxxviii. Non possum satis cogitare, quæ fuerit in homine tanta imprudentia, aut somnolentia, quod cum tam splendidis enarrationibus explanandum Dioscoridem suscepere, adeò graui labefact negligentia,

Censura xx-
iiii. de scissi-
li lacte.
Lactis Scissi-
lis parandi ra-
tio.

O L Y R A.

I N F R U M E N T A C E O genere eam magno errore Olyram censet Lusitanus, quam nos Secalā, & Plinius Secalem, & Farraginem appellant, è qua rustici panem conficiunt nigrum triticō longè de terriorem. Sed cadit Lusitani opinio, quod Galeno primo de alimento rū facultatibus Olyra colore sit albo, adeò ut dixerit Plinius libro decimo octauo, cap. octavo, esse, quod Olyra candorem, illam Orizam esse putarent. Præterea scribit idem Plinius ex Olyra dulcem confici panem, id quod ex pane ex Secale confecto minimè percipitur, cum potius quodammodo amarorem resipiat. Adhæc Secala ita uulgò uocata, scum in area flagellis decutitur, illico omnem exuit tunicam, & tritici modo nulla colligitur: sed aliter Olyra euenire satetur Galenus loco superius citato, dum Olyrinos expendit panes, sic inquiens. Habet autem Typhæ settē extrinsecus corticem, ueluti Olyra, & Hordeum, uerū decorticatum in panes congeritur: & paulo inferius ait. Ex nobilissima Olyra, cum, ut decet, fuerit decorticata, nominatum Tragum conficiunt, quo plerique utuntur. Quibus plane constat Olyram decorticari in area non posse flagellis, quemadmodum nec Hordeum, nec Zea, nec Avena, dum in area concutitur; sed opus esse, ut in pilis pīsentur, ut etiam hoc quo moris est apud omnes.

Censura xx-
iiii. de Oly-
ra.

C H O N D R V S.

E X E A fruge parari Chondrum existimat, quam quidam in Italia, ut in Tridentino agro, Scan dellam uocant: quod meritò redarguit omnium agricolarum consensus, qui dicunt hanc esse Hordei genus, non Zeæ. Hordei enim plura habentur genera, ut quis ex Theophrasto nosse potest libro octauo capite quarto de plantarum historia. Quæ si rectè expendantur, nil aliud Scandella erit, quam Hordeum minus, quæ binis tantum uersibus spicam gerit, rotundiore etiam grano. Nam præfer id, quod per omnia nempè facie, & uiribus Hordeum referat, constat non esse Zeam, quam Dicoccon appellant, quod nunquam Scandella reperta fit, quæ Zeæ illius modo in geminis putaminibus coniunctum semen habeat. Quo fit, ut nullo pacto Scandella inter Zeas recenseri possit. Zea autem Dicocco abundat Goritiensis ager, & Foroiuliensis arua, ibiq; uulgo Pirra Farra dicitur, quod Zea ibi ab incolis in uniuersum Pirra uocetur. Cæterum quia ex hoc Zeæ genere Halicam, siue Chondrum sibi parant, quam ipsi Far appellant, licet falsò (differt enim ab Halica Far) ideò eadem Pirra Farra nominatur à ruricolis. Huic alias eius affinis est error, quod scripsit, putaueritq; Far ab Halica nihil differre, idq; ex Scandella parari, quam Zeam Dicoccon censet. At Plinius testimonio Far nil aliud est, quam frumenti, uel tritici genus Adoreum uocatum. Ille enim libro xvi. cap. viii. ita scriptum reliquit. Frumenti genera non eadem ubique, neque ubi eadem sunt, ijsdem nominibus. Vulgarissimum Far, quod Adoreum ueteres appellauere. Item eodem capite, ut palam saceret aliud esse Zeam, è qua fit Halica, aliud verò Far, Qui Zea vtuntur, inquit, non habent Far. Item cap. vii. eiusdem libri, populum Romanum, ait, Farre tantum è frumento trecentis annis usum. Verius sicut scribebat, Quo tempore Romanis nulius fuit Halicæ usus, ut ipse met testatur Plinius libro xxi. cap.

Censura xx-
v. de Chon-
dro.

Censura xx-
vi. de Farre
& Halica.

Censura xx-
vii. de Farre
& Halica.

cap. xxv. cùm inquit. Halica res Romana est, & non pridem excogitata, neque arbitror Pompei magni atatus in usu fuisse. His accedit Asclepiadis, & Galeni authoritas libro septimo de compositio ne medicamentorum secundum locos in quodam eclegmate ad cruenta spuma, ubi sic habet, Farris Clu fini appellati sextarij dimidium, decocti Marrubij uiridis sextarium unum. Hæc in uas uitreum coniecta per diem & noctem macerari sinito, sequenti die pharmacum molito, quemadmodum Halicam maceratum. Hæc Galenus; quibus palam est à Farre differre Halicam. Galeno subscriptit Aetius libro ix. cap. xlvi. his uerbis. Quod uero latinè in regionibus Romæ uicinis Far appellant, hoc modo paratur. Frumentum modico tempore aqua madefacto, indeq; extractum, ac in pilam coniectum, ueluti Ptisanam à cortice repurgato, ubi uero corticem exuerit tollito, atque in sole siccato, deinde manibus tritum, donec penitus à cortice fuerit mundatum, crassissimè molito, ita ut granum unum in quatuor aut quinque partes redigatur, & siccum asseruato. Usus autem tempore Halicæ modo coquitur, & à sanis in cibum sumitur. Hæc ille; ad quæ certè pertingere debuerat ille magnarum centuriarum constructor.

PHASEOLVS.

Censura xxvii. de Phaseolo.

PHASEOLVM, Siue Phasiolum, non paruam illam, & uulgarem, quam Galenus Ochroon appellat, sed magnam esse Eruiliam falsò contendit. Quandoquidem Eruilia illa maior latinis Pismum dicitur, non autem Phaseolus. Differre autem Phaseolum ab omni Eruilia & Piso testis est Plinius libro xviii. cap. viii, sic inquiens. Frumentis solium harundinaceum, Fabæ rotundum, & magna leguminis partis. Longiora Eruiliae, & Piso. Phaseolis uenosa. Quibus palam est, nec Eruiliae genus, nec Pismum esse Phaseolum. Constat præterea Eruilia cuiusque generis, uel Pisi filiolas elixas in cibis à nemine mandi, quod adeò dura sint cartagine, ut nullo mansu dentibus confici queant. Contrà uero uulgaribus, genuinisq; Phaseolis accidit. Id quod idem satetur Plinius cap. xxi. eiusdem libri, ubi sic habet. Siliquæ rotundæ Ciceri, cæteris leguminum longæ, Piso cylindriacæ, Phaseolorum cum ipsis manduntur granis: id quod nostris Phaseolis uulgaribus accidit. Nam tenellas eorum filiolas suis granis refertas, modò in acetarijs Asparagorum modo, nunc unà cum brasificis elixas, ante maturitatem & late comedimus; quod tamen nulli alij leguminum generi à natura datum esse competrimus. His itaque palam est Phaseolum Dioscoridi nullam esse Eruiliam, sed uulgaris usus Phaseolum, qui paßim in campis seritur. Quippè non tantum folia illi insunt (ut Plinius inquit) uenosa, sed (ut Dioscorides ait) deuoratus inflat, spiritus ciet, & ægrè concoquitur. Quin etiam uiridis cum siliqua sumptus aluum emollit. An non in idem cadit erratum, quum Eruiliam, quam confundebat cum Phaseolo, Dolichum à Theophrasto credit appellari? quum Dolichum ille testetur aperte adacto longo pale confurgere. Id quod maximè denotat, Dolichum nil aliud esse, quam varium Phaseolum illum, qui Dioscoridi Hortensis Smilax dicitur. Quippè in primis hic longissimos ascendit palos, quibus Lupi Salictarij modo se circumvoluit, nec alibi, quam in hortis seritur. Quinetiam eius siliquæ simul cum granis, perinde ac aliorum Phaseolorum manduntur in cibis. Id quod in præfatione secundi libri de Alimentorum facultatibus testatur Galenus, & Paulus Aegineta libro primo. Atqui si pluribus inanem suam uelit sententiam confutari, commentarios nostros in Dioscoridem consulat. Plura enim ibi reperiet, quæ hic silentio prætermittenda duximus, ne plantarum potius historiam scribere, quod in alijs uberiori exequuti sumus, quam istius temerarij hominis imperitiam, ac negligentiam uideamus aperire; quod iam nostrum est institutum, sed id breuiter: ne, si omnino tacuerimus, ille sua temeritate in cæteris nostra abutatur modestia; sin copiosius, ne iustum excedamus modum.

LAPATHVM, SIVE RVMEX.

Censura xxix. de Rumi-

ce. ACIAM Propemodum uereor, ne quis eruditus tandem fastidiat in audiendis innumeris, & turpissimis istius hominis erratis. Quæ si nuda in medio ponerem, cui non ista stomachum moueant? Nunc ita uniuscuiusque occurrere studio prudentiae, ut non parum hoc quemque consolari debeat, quod in huius refrenanda audacia plura interim à nobis afferuntur non infrugifera, & (nisi me spes fallit) non indigna eruditis auribus. Id unum siquidem hic ubique labore, ut & Lusitani, qui tam infide, ac improbè aliorum uerat scripta, patefat audax inscitia, & ueritas simul in his tenebris non sine lectoris emolumento elucescat. Verùm sic à nobis utrumque est peragendum, ut plura, & absolu- tius nos alijs de his acturos meminerimus, utq; contra Lusitani insultus, ac imperitiam non parum hinc quoq; roboris, & lucis accedat. Quarè (quod in ceteris sum facturus) iam accedam ad ea, quæ de Spinachio, seu Rumice ille profert. Nam quod hortense olus Spinachium nobis paßim uocatum, Satium Lapathum esse afferat, meo certè iudicio longissimè aberrat; quod Spinachium cum Rume, uel Lapatho nihil habeat cognationis; siquidem nec folio, nec caule, nec flore, nec semine, nec radice Spinachium Lapatho simile cernitur, quemadmodum nec gustu, nec uiribus. Constat item Galenum (& si contrarium fortasse somniauerit Lusitanus) Spinachij, quin nec Hortensis Lapathi meminisse inter olera, sed tantum sylvestris Lapathi, cum inquit. Licet cuius (ut ante diximus) Lapathum

„ Laphatum appellare Betam agrestem, ut quod non gustu modò, sed uiribus etiam Beta hortensi est ad simile. Verum cum Beta Lapho sit suauior, sic circò nemo est, qui non ipsa libertute catur. Haec tenus Galenus. Quibus palam est Spinachium Laphatum esse non posse; nam præter id, quod Spinachium nihil cum Lapho habeat similitudinis, sylvestre olus non est, sed hortense. Quo fit, ut sylvestris Beta etiam appellari nequeat. Adde quod Spinachium suauius, & cibo gratius olus sit, quam Beta; vane idem sibi persuadet Laphatum communis usus nunquam in ciborum usum concessisse, cum Galenus loco iam citato, ubi sylvestre Rapum inter olera, quæ comeduntur, retinuit, & sylvestrem appellavit Betam. Quinetiam & Tridentina, & Goritiensia rura, totiusq; ferè Italia agrestes homines id maximè comprobant, cum uere Sylvestris Laphi plurimum manduent, quod eo tempore tenella habeat folia.

Spinachium
nō esse inter
Laphi ge-
nera recen-
dum.
Vana Lusita-
ni persuasio.

CHONDRYLLA.

CHONDRYLLA Dioscoridi caulem, flores, & folia habet Cichorio similia, adeò ut inter Cichorij species ueniat numeranda, tenuior tamen tota Cichorio est. At Lusitanus, qui in Dioscoridis lectione maximè uersatum se ubique censet, Chondryllam folio esse hortensi Intybo minus recte scribit. Id quod proculdubio ostendit Chondrylla stirpem aliquam nunquam uidisse Lusitanum.

Censura xxx.
de Chondryl-
la.

GINGIDIUM.

NEC Errore uacat, quæ de Gingidio censet, quippè qui uelit recentiores quosdam sequutus nil aliud græcis esse Gingidium, quām vulgare illud Olus, quod Cherophyllum, uel Cherofolium uocant. Atqui Cherophylli folia, pariter ac radices nihil amaroris, adstrictionisq; mandentibus relinquent, sed potius dulcedinis, & acuitatis tantillum resipiunt; quum tamen Dioscoridis, & Galeni testimonio Gingidium herba sit adstrictionis, & amaritudinis non obscuræ, adeò ut sit etiam Sylvestri Pastinaca amerior, & ob id (ut Galenus inquit libro secundo de Alimentorum facultatibus) potius fuerit hæc herba medicamentum, quām alimentum. Adde quod Galeno libro de Cibis boni, & mali succi capite octauo, & de Attenuante uictus ratione cap. 111. Gingidium herba sit sylvestris, contraria uero Cherophyllum, quod passim in hortis seritur, ad obsonia.

Censura xx-
xi. de Gingi-
dio.

SCANDIX.

NEC Minus improbari debet, quod senserit legitimam Scandicem eam esse herbam, quæ in segmentibus nascitur, plerunque in agrorum extremitatibus Cherophyllo similis, flore albo, mucronatis in cacumine corniculis, Geranij æmulis, in quibus conditur semen; quandoquidem hæc herba nec amara est, nec subacri gusto deprehenditur. Id quod in Scandice Galeni testimonio non obscurè percipitur, adeò ut hanc ille retulerit inter ea medicamenta, quæ secundo ordine intenso, uel tertio incipiente excalcentiunt. Prætereà quām Scandicis historiam (quod uiderim, legerimq;) nemo scripsit antiquorum, arduum sanè uidetur, uel potius temerarium decernere, & pro certo affirmare hanc uel illam plantam esse radicem. Quippè hæc, quam alios sequutus Scandicem appellat Lusitanus (ut rei herbariæ periti existimant) eam maximè refert plantam, quæ Plinio Veneris Pecceten appellatur, ut latius in commentarijs nostris scriptum reliquimus.

Censura xx-
xi. de Scan-
dice.

HIRCI BARBULA.

QVANTVM in censenda Hirci barbula fallatur Lusitanus, ij facile noscent, qui in re herbaria eius legerint enarrationes. Ille enim, ut noui aliquid asserre videatur, si uera desint, fabulosa asserre non ambigit. Sribit is duas Tragopogoni esse species, alteram flore purpureo, alteram luteo; sed utrique radicem esse paruam, bulbosam aliquantulum oblongam, Auellanæ nucis magnitudine, dulcem, & esui aptam, quam pueri in Hispania in campis eradicantes à similitudine paruarum nucum Nucellas appellant, & illarum esu maximè delectantur. Sed aberrasse deprehenditur, quod non solùm Dioscorides, sed & Theophrastus, & Plinius scriptum reliquerint Tragopogono radicem esse longam, ac dulcem. Id quod sole clarius uisitetur in genuina Hirci barbula; non autem bulbosam Nucis Ponticæ magnitudine. Quibus palam est, quām diligenter, quāmque accuratè diligens enucleator legerit Dioscoridem (ut Theophrastum, & Plinium præteream) quem enarrandum suscepit. Is enim (quantum video) eam plantam Tragopogonum putat, quam Fuchs in Commentarijs de Stirpium natura Apios admittitur. Planta hæc in Bohemia frequens non in agris tantum, sed etiam in vineis. Germani Terræ Nucem appellant. Sed quām habeat cum Tragopogono cognitionem, ego sanè nullam video.

Censura xx-
xi. de Hir-
ci barbula.

Lusitanum
non legiſe
Dioscoridem
nisi oscitater.

SMILAX

SMILAX HORTENSIS.

Censura xx.
xiiii. de
Hortensi Smi-
lace.

NON PARVO profecto etiam errore notatur Lusitanus, ut Dioscoridem de Hortensi Smilace differentem, de omni Phæcolorum genere sub Smilacis illius nomine scripsisse arbitretur, cum vulgares Phæcolorum, quibus passim in eis uescimur, dum sati in campis uirent, non repant, nec adeo frutices confundant, ut Smilacis modo topiarias scenas inumbrare queant. Præterea quum vulgaris Phæcolorum passim in campis seratur, cæterorum leguminum more, quo paeto, quæ ratione Hortensis Smilax uocari possit, profecto nescio. Sed quoniam hæc longè pluribus nobis comprobata sunt in commentarijs nostris in Dioscoridem, cō Lusitanum remittimus.

THLASPI.

Censura xx.
xv. de Thla-
spi.

NEC minus decipitur Lusitanus in expendendo Thlaspi, quod dixerit in eo latum percepisse semen, & folia in cacumine diuisa. Ac si ex uerbis eius coniecturam facere licet (quod tamen pace eius dixerim) nunquam uidit Thlaspi. Non enim Thlaspi semen latum est, ut Galenus testatur, sed rotundum, simile milio, & aliquando longiusculum; & proinde recte scripsit Dioscorides, Thlaspi semen esse Nasturtio simile. Latus quidem foliculus est, qui semen ipsum includit, sed qui foliculum dicant esse semen, neminem habeo præter unum Lusitanum. Cæterum Thlaspi folia (ut intuentibus facile patebit) nusquam in cacumine diuisa spectantur, sed foliculi, qui semen concludunt, ut in commentarijs nostris quis legerè poterit, ubi hunc Dioscoridis locum restituimus.

ZEDOARIA.

Censura xx.
xvi. de Ze-
doaria.

Serapiois in-
terpretis la-
pus.

QVOD Zedoaria & Zurumbetum Mauritanis idem non sint, aduersus Lusitanum reclamat Serapio, qui de his diuersis capitibus diuersam scribit historiam. Deinde quod Zedoaria radix sit herba, Zurumbetum uero arbor procera, infrugiferaq; citreum odorem spirans, folio Salicis colore ex uiri di in luteum languescente, ut idem Serapio scriptum reliquit. Zurumbetum Paulo Arnabo appellatur. Actius tamen utriusque meminit, Zedoaria, scilicet & Arnabonis uarijs in locis, tanquam de me dicamentis inter se differentibus. Sed Lusitano perinde ac alijs quibusdam errandi ansam dedit Serapionis interpres, qui cap. CLXXII. Zedoarium falsò Zurumbetum appellat. Patet interpretis error Serapionis ipsius testimonio, quippe qui cap. CCCLXXI. de Zurumbeto egerit, & longè aliud à Zedoaria fecerit.

STRUTHIVM.

Censura xx.
xvii. de Stru-
thio.

Censura xx.
xviii. in Lu-
tanii fabulâ.

STRUTHIVM, siue Radiculam, siue Lanarium herbam magno sanè errore nihil à vulgaribus Saponarijs differre putat Lusitanus. Quippe quod harum nulla spinoso proueniat folio, quum tamen Theophrasto, ac Plinio Struthium aculeata sit planta, & caulem proferat fœnaceum, qui talis ijs Saponarijs, de quibus meministi, non uisitetur. Adde quod neutrum Saponariae genus sternutamenta cie re ualeat. Ad fabulam autem maximè ridendam, & potius longo cachino explodendam, quam uerbis refellendam, quam narrat Lusitanus de herba illa in eius castelli mœnijs nascente, à quo se oriundum facit, quæ flore sit Paserculi effigie, eò quod ibi passeres quam plurimi nidificant, & semine in coitu eiaculato herba radices respurgant; nil aliud dicendum censemus, nisi quod hic suis deliramentis colophonem addiderit Lusitanus. Cæterum si propè nidificantes pascerulos, nascentes plantæ ob id flores pascerulorum illorum formam proferant, quod earum radices corum spermate madescant, cur fiat igitur quod plurimorum animantium formas, qui in campestribus, & sylvis morantur, in quam plurimis non reperiantur herbis, quotidie eorum semine perfusis, Lusitanus ipse dicat, qui sua singulari amentia nouam hanc philosophiam excogitauit; in qua si fortasse perseverandum statuerit, dicat etiam à circulatoribus scribere Mandragoras ex humani seminis profusione oriri: quin & Antirrhinum ex bubulo, quod eius semen uasculis includatur, quæ uitulina referunt capita.

CYCLAMINVS ALTERA.

Censura xx.
xix. de alte-
ra Cyclami-
no.
Lusitanus ina-
niter Matthi-
olum citat.

GRAVE, & permoleustum mihi est, quod in Cyclamino sui erroris me faciat authorem, cum dicat Matthiolum Senensem alteram Cyclaminum à se conspectam affirmare, radice parua Auellanæ perfimili, tametsi haec tenus ille nunquam uiderit. Quibus coniucere quis recte poterit, quam ille oscitantur commentarios nostros legerit, & inaniter me citauerit; quandoquidem nobis nusquam dictum est Cyclaminum Alteram, cui superuacuam radicem assignat Dioscorides, radice constare parua, Nucis Ponticæ magnitudine, quum ibi recte affirmauerim Cyclaminum hanc me nusquam uidisse in Italia.

BVLVVS

N V L L V M discrīmen cernit diligens, & solertissimus rerum inspecto inter Esculentum Bulbum, & Ascalonicum Cæpe, quod nos uulgò uocamus Scalognia. At quantum distant? Ascalonicum enim Cæpe inter Cæparum genera antiquis recensetur, non autem inter Bulbos. Lusitano refragatur maximè Theophrastus, quippè qui libro VI. cap. IIII. de Plantarum historia, Ascalonicum Cæpe, ac alterum eiusdem generis Fissile appellatum inter Cæparum genera recensuit, non inter Bulbos, de quibus speciatim egit cap. XI. eiusdem libri, cui subscriptit Plinius libro XI. cap. VI. sic inquiens.

„ Allium, Cæpasq; inter Deos iure iurando habet Aegyptus. Genera apud Græcos plura. Sardia, Sa- Censura xl. de
„ mothracia, Alsidena, Setama, Schista, Ascalonia ab oppido Iudeæ nominata. Demum Galenus libro Bulbo Escu-
„ VI. de simplicium medicamentorum facultatibus Esculentos Bulbos amaroſos, ac pariter adstringen- lento.
„ tes facit. Id quod rufus repetit libro secundo, de Alimentorum facultatibus. Quæ tamen qualitates in Ascalonica Cæpa non reperiuntur. Ipsa enim acris est ualde perinde, ac cætera Cæparum genera, nec quicquam ei ineſt amaroſi saporis. Evidem putabam hæc non ignorasse Lusitanum, quum illum compertum habeam oriundum à locis quibusdam non procul ab Ascalone Iudeæ.

Cæparum ge
nera.

A R G E M O N E A L T E R A.

ALTERAM Argemonem Dioscoridi adulterinam esse non ambigimus, ut in Commentarijs nostris diffusius diximus; sed hoc fortassis nesciens Lusitanus, ne huius plantæ uideretur ignarus, Argemonem alteram eam plantam esse censem, quæ recentioribus quibusdam Argentina dicitur, non alia (ut opinor) ratione, quam quod Argentina folia gerat uulgaris Agrimonie similia, quæ quantum cum Sylvestri Papauere habeant cognitionis, similitudinis ue (talia enim Argemoni alteri requiruntur folia) iij judices erunt, qui plantarum historias diligentissimè explorauerunt, & Lusitani imperitiam norunt. Qui cum fortassis sibi persuaserit, eam ob causam Eupatoria Argemonij nomen accessisse, quod folijs & facie Argemonem hanc referret, nomenclationibus magis innixus, quam plan tarum ipsarum notis, hic etiam miser se deridendum dedit.

Censura xli.
de Altera Ar-
gemone.

T E L E P H I V M.

QVANTVM in censura Telephij hallucinetur; qui uult Telephium Dioscoridi nil aliud esse, quam tertium Semperuium, illud sanè statim ostendit, quod Dioscorides de Telephio libro secundo, & de Semperuiuo illo libro quarto scriperit, & quod nec nobis scriptum reliquerit Dioscorides tertium Semperuium quibusdam Telephium uocari. Siquidem Dioscorides has nomenclaturas non recipit, sed tantum adducit, quamobrem non est propterea dicendum tertium Semperuium esse Telephium; quemadmodum (exempli gratia) nec Helsine, quam Parthenium quosdā appellasse Dioscorides scribit, Parthenium est, nec Afarum Bacchar est, nec Asplenium Hemionium, nec Gingidiū Lepidum: tametsi hæc omnia aliarum plantarum nomine quibusdam appellantur. Nam si Dioscoridi id est Telephium, & tertium hoc Semperuiui genus, non fuisset illi opus de altero per se secundo libro scribere, de altero uero libro tertio inter Semperuiui genera, ut etiam compertum habemus fecisse Plinius, qui lib. XXVII. cap. XI. de Telephio egit, libro uero XXV. de tertio Semperuiuo, postquam de alijs duobus generibus disseruit. Adhæc si Telephij facultates apud Dioscoridem, & Pliniū expendantur, Telephium uidemus uitiliges sanare, quinetiam uulnera, & sinus; hoc uero Semperuiuum strumas tantum discutere.

Censura xlii.
de Telephio.

A G A R I C V M.

LONGE ab omni scopo eos medicos aberrare scribit Lusitanus, qui Agarico in pastillis conformato passim utuntur, noua sua quadam opinione ductus, quod Agaricum cōtritum nullo pacto diu suas uires seruare possit. At nos illum errore sanè lögè maiori procul dubio duci censemus, eoq; præfertim quod nullam afferat rationem, nec probatissimorum scriptorum autoritatē, qua suam fulciat sententiam. Porro Mesues clarissimus inter Arabas, & qui in componendis medicamentis primas tenet, Agaricum in pastillos redigi suadet, ut una cum ijs, quibus excipitur, medicamentis tractu temporis debitam acquirat mixtionem: id quod expedit omnibus compositis medicamentis. Nec uideo cur tam facile quicquid tenuium partium in eo extiterit (ut friuolis admodum uerbis contendit Lusitanus) euaneſcere possit. Siquidem cum Mesui pastilli de Agarico, Salem fossilem, Gingiber, & Oxy mel excipient, non sanè constat cur tam facile tenuior Agarici pars in auram resolui possit, cum mel lis proprium sit in suo uigore admista diutius afferuare, Salis uero & Gingiberis huic medicamento facultatem augere. Frusti à quidem tot catapotiorum massas, quæ Agaricum excipiunt, Sephasiae confectas afferuarent, quin & electaria alum ducentia, si Agaricum in puluerem ijs additum suas statim deperderet uires; frustraq; illud in Theriaca addidisset Andromachus. Quamobrem omnino explodenda

Censura xliii.
de Agarico.

denda erit Lusitani sententia, qui præter omnium clarissimorum virorum placita folis iubeat Agaricum ea ipsa hora esse contundendum, ac alijs addendum medicamentis, qua expedit illo uti.

R H A B A R B A V M.

Censu. xlivij.
de Rhabarba
ro.

CAETERVM de Rhabarbaro scribens Lusitanus, medicos illos magno teneri errore contendit, qui tostum, uel ustum Rhabarbarum dysentericis propinat, ea ratione adiunctus, quod omnia quæ igni torrentur ob contractam acredinem abradant. Quarè suadet, ut à Rhabarbaro in dysentericis omnino abstineant medici. Atqui si Rhabarbarum dari libeat, non ustum, neque assutum esse propinandū, sed crudum, hac tamen conditione, ut prius auferantur ab eo tenuiores partes. Id quod facile (ut ipse ait) effici potest, si ex aqua Plantaginis, uel Rosarum maceretur. Verum Lusitano maximè refragatur Mesues, ubi Rhabarbari uires expendit his uerbis. Rhabarbarum tostum dysentericis probè consert. Et paulò superius ait, Quod si post hasce functiones uiscera adstrictione roborante egerint, ipsum qui dem Rhabarbarum in puluerem contritum exhibendum fuerit. At illud, quod igne torreficit, uehementer operatur, ac etiam uehementius id, quod comburitur. Hæc Mesues. Sed audiat etiam Gale num, qui libro nono de Compositione medicamentorum secundum locos combusta, torrefactaque medicamenta dysentericis dare suadet, nempè Cochleas, Cornu Ceruinum, Opium, Gallas, Malicorium, Pini corticem, Hyosciamum, Acaciam, & alia plura uino nigro excepta. Præterea x i. de Simplicium medicamentorum facultatibus, exustas etiam Cochleas cum Galla, & Pipere dysentericis commendat. Quibus sanè patet non modò hoc in medicamento spernere Galenum Coclearum, & Gallarum combularum acredinem, sed etiam addere Piper acerrimum medicamentum. Huiusmodi medicamentis nulla dubitatione utuntur etiam posteriores Græci, Paulus (inquam) Oribasius, Acetius, Alexander. Adde quod ubi intestina ulceribus fuerint affecta, Auripigmentum, Sandaracham, Alumen, Calcem, Aeris squammam, & alia plura erodentia medicamenta clysteribus infundunt. His itaque palam est, combusta, tostaq; medicamenta non modò nullo prorsus incommodo dysentericis dari posse, sed magno sanè iuuamento, quod crudis longè magis exiccent, ac etiam adstringant. At si usta, & in cineres uersa dysentericis tutò exhibere suadent tot grauitissimi authores, cur illis tostum Rhabarbarum interdicat Lusitanus, coniucere nequeo. Nam si, Medicorum omnium consensu, dysenteria affecti ali debent assatis uolatilium carnibus, ouorum uitellis ignitis tegulis tostis, & alijs quam plurimis alimentis frictis, torrefactisq; cur igitur à Rhabarbaro illo fuerit abstinentum, nulla penitus (ni fallor) le se offert ratio. Porro ad aliud Lusitani figmentum, quo fretus ait, plures uidisse Lusitanos sui generis homines dysenteria affectos usti Rhabarbari potu interijsse, nil aliud respondendum in praefentia succurrit, quam quod nobis minimè sit approbandum, cum sexcentos homines ad uitam reuocatos sciamus tosti Rhabarbari potu. Evidem non possum non mirari Lusitanum, quod suæ tantum gentis Lusitanos Rhabarbari usti potu interemptos in exemplu adducat, ac si illis tantum fuerit letale medicamentum, cum tamen is (ut ipsius testantur scripta) toto ferè ætatis suæ decursu apud inferiores Germanos primùm, & deinde apud Italos suam exercuerit medicinam. Demiror ite, quod ita temerè quasi diuinitus edocitus affirmare non sit veritus potius ex Rhabarbari usti potu interijsse eos, quam ex morbi natura, quum hæc sciri non possint. Præter id, mihi nunquam persuasum uelim, longè magis dysentericis Rhabarbarum illud profuturum, quod aqua Plantaginis uel Rosarum fuerit maceratum, quam tostum, uel ustum. Quandoquidem Galeni testimonio assatio, ustioq; plurimum liccitatis, adiunctionisq; medicamentis confert; contrà uero euénit ijs, quæ aquis macerantur. Sed hæc fortasse in medium adducit Lusitanus Auicennæ testimonio confisus, qui dysentericis Rhabarbarum nullam ustionem, assationemq; expertum ex Plantaginis aqua bibendum suadet; quod fortasse nesciuerit Rhabarbarum nil aliud Auicennæ designare interpretis lapsu, quam Græcorum Rhaponticum. Quod quum nulla deiectione ui polleat, citra ustionem, assationemq; propinat Auicenna ex Plantaginis aqua, nec id macerat, ut sibi fingit Lusitanus.

Lusitani in-
fusia in cen-
fendo Auic-
ennæ Rhabar-
ba-ro.

Censu. xlv. de
Chamæleoni
bus.

AC CVM ille Chamæleonem Album censet esse stirpem spinis undiq; horrentem, folio grandi, lactis quasi maculis interlito, quam quidam Carduum Mariæ, quidam à maculis Carduum Lactarium uocant, quidam Suarium, quod eo sues pascantur; quis eius opinionem proberet? cum Chamæleo albus nullum producat caulem Dioscoridi, sed è medio spinas echinatas Cinarae modo. Carduus autem Lactarius caulem profert bicubitalem, & quandoq; maiorem adnatis pluribus refertum, longis, prædusrisq; Radici nulla est odoris præstantia, nec Chamæleonis facultas. Si quidem deuorata, Dioscoridis testimonio canes, sues, muresq; necat. Contrà uero hæc sues non modò alit, sed etiam saginat, unde illi nomen. Postremò albo Chamæleoni, Theophrasti testimonio, caput requiritur magnum Acano simile, non autem paruum, quale in Lactario Carduo spectatur. Sed qualem in albo, talem & in nigro se declarat Chamæleone, existimans hunc inter illud Cardui genus, quod à Carduo Lactario nulla alia dignoscitur differentia, quam quod huic folia non sint lacteis illis maculis respersa, sed po-

tius

In Amathi Lusitani Enarrationes. 39

tius nigricantibus. Cui istud comprobabitur? Spina hæc caulem non rubrum, nec dodrantalem, sed bicubitalem, ac colore uiridem esset. Deinde huic flores non sunt uersicolores, sed purpurei. Præterea carduus hic radice nititur alba, integraq; non Chamæleonis Nigri modo exterius nigra, interius uero flava & pluribus in locis exesa, non acri, sed potius subamara. Adde quod Diſcoridi Nigri Chamæleonis folia requiruntur rubro colore distincta, non maculis infecta nigricantibus. Quibus certum facit omnibus, quanta iudicij maturitate in plantarum censura ducatur Lusitanus.

C R O C O D I L I V M.

AT QVAM nec sui se præstat dissimilem in Crocodilio. Eam hanc opinatur esse stirpem, quam uulgaris herbariorum Carlinam appellat, ea tantum ductus ratione, quod hæc non solùm in syluis, sed etiam in arenosis (ut Plinius inquit) & fitientibus nascatur locis. Sed cœcutit non leuiter; quod Carlina, quæ caulem profert, adeo omnibus in uniuersum notis nigrum Chamæleonem repræsentat, ut neutquam quis presuaderi possit eam esse Crocodilium, præsertim cum facto periculo, ijs sanè uitibus non præstet, quibus præstare Crocodilium Diſcorides, Galenus, Plinius, ac alij pleriq; post ritatis memoria prodiderunt. Crocodilij enim decoctum (horum omnium testimonio) potui datum sanguinem copiosum per nares pellit. Quod si præstaret Carlina radix, magno admodum pretio aestimaretur à Medicis. Adde quod Crocodilio radix sit longa, lœuis aliquantulum lata, odore, ut Nasturtij, acuto: Carlina uero crassa, rotunda, aspera, inæqualis, exesaq; nullo Nasturtij odore predita. Adhæc Crocodilij ſemen Galeni testimonio acre, odoratumq; percipitur: quæ facultates in Carlina proculdubio defiderantur.

P O T E R I V M.

POTERIVM eam uult esse arbusculam, quam Germani Schlehen, nos uero sylvestrem Prunum nominamus; quod idem existimauit Cornarius uir aliqui insignis, cuius opinionem magis hic sequitur Lusitanus, quām genuini Poterij historiam. Ego uero nihil hic contra Cornarium dicam, quem uir clarissimus Fuchsius pluribus argumentis copiosissime refellit. Quo circā his iam superfedemus, solū, ut nostri memoris instituti, dicimus utrūq; deceptum, & plurimum aberrasse Lusitanum; quod sylvestris Prunus potius in fruticosarum arborum recenseri debeat, quām inter herbas, item quod nulla penitus conueстиatur lanugine, quod item ramulis non habeatur longis, ac tenuibus Tragacanthæ modo, sed brevibus, solidis, duris, contortisq;: quin nec fructu est acuto, nec odorato, sed inodoro, austero, adstringenti admodum succo: adeo ut qui dixerit sylvestrem Prunum esse Poterium (Cornarij, & illius pace dixerim) Tiresia eēcior dici possit, uel mente captus. Quo fit, ut mirari non debeant Medici, si clarissimus ille Fuchsius plura in Cornarium uberrimè conscriperit.

Censu. xlvi.
de Crocodilio.

Crocodilij
mira uis.

Censura xl-
vij. de Pote-
rio.

Cornarius re
prehenditur.

Fuchsij laus.

L E V C A C A N T H A.

NEC A SE ipso diffentit, quod etiam Leucantham herbam eam esse arbusculam contendit, quæ in ſepibus, & frutetis prouenit, folio Pyri, fructu in maturitate nigro, ligustrinis baccis non abſimili, è quibus elegantissimum colorem uiridem parant pictores. Quandoquidem Diſcorides hoc loco de aculeatis herbis egit, non autem de arboribus. Adhæc arbuscula haec, quam nos uocamus Spino Melo, quidam uero Spino Zerbino Cyperi radices non habet, sed arboreas, lignosas, longas, præduratasq; austero sapore, nulla admista amaritudine, adeo ut nihil succi inde exprimi possit, etiam si arctissimo prelo stringeretur; quum tamen è Leucanthæ radicibus succum exprimat Diſcorides ad rupta, & conuulsâ fananda.

Censu. xlviij.
de Leucan-
tha.

C R E T E N S E D I C T A M N V M A L T E R V M.

CAETERVM & de altero Cretensi Dictamno cœcutisse Lusitanum non ambigimus, quippè qui scripsit uideri hoc non modò in hortis, sed etiam in fœtilibus ad fenestras frequenter reponi folio (ut illius uerbis utar) Cresonis, flore pulchro, purpureo, qui fricatus odorem ex ſe refert, qualem ex flore Narantij oriri uidemus. Sed quām ſibi ipſi imponit? primū quod hoc Dictamnum Theophrasti testimonio in Creta tantum proueniat. Id quod uideatur etiam fateri Diſcorides, cūm dicat, & hoc ex Creta ad nos aduehi. Præterea quod non scriperit Diſcorides, quin etiam nec Theophrastus, nec Plinius Dictamnum hoc folio eſſe Sisymbrij Aquatici, quod Lusitanus, uulgaris ſequutus, Cresonem appellat; ſed Sisymbrij absolute, quod indicat, hos præclarissimos authores de primo Sisymbrij genere intellexisse. Sisymbrium enim primi generis folio eſt Mentha, rotundiore tamen, non autem Erucæ, qualia ſunt Cresoni folia, quæ an magis Dictamni folijs ſint comparanda, quām pri mi generis Sisymbrio, iij diuidicent, qui rem herbariam doctissime profitentur. His accedit, quod Diſcoridi huiusc Diſtamni folia odorem ex ſe mittunt medium inter Sisymbrium, & Saluam, à quo omnino eum diuersum putamus, quem Arantiorum flores ſuauiflissime fundunt.

Censu. xlii.
de altero Cre-
tenſi Dictam-
no.

D 2 CALA-

CALAMINTHA.

Censura i. de
Calamintha.

Censura ij.
de tertio cala-
mintha gene-
re.

Censura liij.
de Sampſu-
cho.

Lusitani leui-
tas.

E O' quod Ferrarienses, & Longobardi Gattariam herbam Neuedam (quasi Nepetam) uocent, magno errore sibi persuasit Lusitanus Gattariam hanc esse secundum Calaminthæ genus; sed aberrasse uidetur, quippe Dioscoridi Calamintha secundo loco posita, folio est Pulegij, quemadmodum & sapore, non autem Apiastræ, uel Vrticæ, quibus Gattaria uocata maximè uisitatur æmula. Nec minus item decipitur in censenda tertij generis Calamintha, quod crediderit hanc eam esse, qua paſſim in Italia utuntur Seplasias. Patet error, quod hæc folia habeat Pulegio grandiora, rotundioraque, non autem prælonga Mentaſtri modo, cui tertiam Calamintham ſimilem fecit Dioscorides.

SAMPSVCHVS.

QVANTA sit Lusitani inconstantia, quanta in nos inuehendi fraus, quantaque is sui ipsius capiatur obliuione, is facile intueri poterit, qui legerit eius enarrationes libro primo in Olei Sampſu- chini confectione, & libro tertio cap. proprio de Sampſucho. Quandoquidem libro primo apertissime contendit aduersus nos scribens Dioscoridi Sampſuchum nulla ratione esse Amaracum, & ob id plura ibi in nos machinatur, ut in Apologia superius premissimus. Libro uero tertio euidenter fate- tur magno ſuæ leuitatis dedecore nil aliud esse Sampſuchum, quam Amaracum, uel Majoranam. Quare non modò ſe ipsum euidenter confutat, & grauiſſime uulnerat, ſed etiam palam declarat, non aliam ob causam nostram impugnasse ſententiam, quam ut nobis aduersaretur, & quocunque modo ſuum uirus in nos euomeret. Tanta in nos inflammatus rapitur cupiditate, que mentem ei excœctet, memoriam tollat, & inſano quodam modo ſe ipsum deſtruat, ac penè ſubuertat.

RVTA SYLVESTRIS.

Censura liij.
de Ruta Syl-
ueſtri.

SYLVESTER Rutam, quam Cappadocibus Molyn, Syris Besala, quibusdam uero alijs Harmolam uocari Dioscorides inquit, eam esse plantam existimat Lusitanus, quam Caryophyllos ultramarinos, uel Indicos uulgus appellat; ſed manifeste decipitur. Quandoquidem hæc herba praeter id, quod folia Rutæ non proferat, flores aureos gerit magnos, ad luteum uergentes, non, ut Ruta sylvestris, candidos. Quinetiam capita non prodeunt alterius Rutæ modo, ſed longa pluribus eminentibus costis ſtriatæ. Præterea, nec ſemen illi uifit trianguli ſpeciem referens, neq; ſubruſum, ſed longum, nigrumq; nulla amaritudine praeditum. Adde etiam quod Galeni testimonio Sylvestris hæc Ruta radicem proferat nigram; id quod in hiſce Cariophyllorum Indorum plantis maximè deſeratur.

CVMINVM SYLVESTRE.

Censura iv. de
Sylvestri Cu-
mino.

Censura ivj.
de eodem.

SYLVESTER Cuminum quum non uiderit, nec nouerit Lusitanus, illud Officinis Rusticum Cuminum uocari ait, perindè ac ſi adeo uulgaris notitiae fuerit, ut nullo ſit opus examine; quum tam pauci (ne dicam nulli) reperiantur Pharmacopœi, qui unum uel alterum Sylvestris Cumini genū legitime cognoscant. Nam praeter ſatiuum, nullum aliud nouere Seplasias. At Amathus, ne uideatur id ignorare, Sylvestre Cuminum adeo uulgare facit, ut quis illud apud Myropolas intueri poſſit. Quo fit, ut recte intuentibus palam ſit, non modò Amathum Sylvestris Cumini historiam confundere, ſed quid fit Sylvestre Cuminum penitus nescire, & ignorata tanquam cognita, & uulgaria fateri. Duo enim Dioscoridi, quem nunquam accuratè legit Lusitanus, ſunt Cumini genera inter ſe pluribus repugnantia: ſed hæc negligens Amathus rem omnem confudit. Si quidem nulla generum habita differentia abſolutè protulit Sylvestre Cuminum Officinis Cuminum Rusticum uocari; quā tamen non defint rei herbariæ peritiſimi, qui haētenus de Sylvestris Cumini generibus nihil affirment.

CORIANDRVM.

Censura lvij.
de Corian-
dro.

Lusitani inſi-
gnis amentia

IN CENSENDO Coriandro quam non hallucinatur, non decipitur, ſed penè delirat? quod uulgaris uſus Coriandrum ſcribat, non eſſe antiquorum Coriandrum, ſed illis Coriandrum uifſe aliam plantam Cicutariam diſtam, folio noſtratis Coriandri ſimili. Id quod tueri nititur hoc tantum argumento, quod Coriandri plantam Hispani nullo incommodo oleraceis cibis admifcent. Quin & quod eius ſemen odoratum ſit, & eius pariter herba optimi ſit odoris, uel ſaporis. Cæterum hæc quum legiſtem, mirari fanè deſij, quod alia etiam innumera deliramenta in medium adduxerit. Quis autem (Dij boni) Lusitanum hunc nugantem, immo & amentem ignoret, quum dicat Coriandri uulgaris herbam odoris quidē ſectidiffimi lectulariorū cimicū inſtar optimi eſſe odoris, ac ſaporis? Equidem cenebam utero tantū gerentes mulieres citta, picaq; corripi poſſe. Sed (ut uideo) Amathus etiam eo morbo laborat, quod fortalè ob multam praefitam in re medica operam, & ob magnas illas Centurias adeo intumuerit, ut prægnanti ſimilis euafert: Vel quod fortalè Coriandri tantum inter olera

In Amathi Lusitani Enarrationes. 41

olerat esitauerit in Hispania eius saporis, odorisq; præstantia allectus, ut indè facilè amentiam contraxerit, quam facere Coriandrum scribit Dioscorides, ubi largius assumatur in cibum. Quo postea factum est, ut indè Amathi nomen fuerit consequutus. Præterea cur suam probare possit Amathus stultitiam, quod Coriandrum communis usus ueterum Coriandrum non sit, quod in cibo acceptum nil mali inferat, nihil sanè rationis adduci potest. Quandoquidem etiam Galeni tempore Coriandrum in obsoniorum uenerat usum, ut ipse testatur Galenus libro secundo, de Alimentorum facultatibus, & libro de Attenuante uictus ratione. Quin & Dioscorides non nisi à largiore Coriandri esu abstine-re prohibet. Proindè mirum non est, si cum alijs oleribus pro obsonio deuoratum nihil incommodi afferat, perindè ac Papauer.

P E T R O S E L I N V M.

GENVINVM Græcorum Petroselinum idem, quod Sepias, & Herbariorum uulgas passim Apium uocant, magno sanè lapsu esse credit Amathus, quod hoc Paludapium sit in hortis trâflatum, riguis, & uliginoso solo gaudens. Contrà uero Petroselinum, quod Dioscoridis, & Galeni testimoniis in præruptis, & faveis montium locis, ut ipsa metu indicat nomenclatio, tantum proueniat, semine Ammi odoratiore, sapore acri aroma olente. Id quod in communi Officinarum Apio nusquam percipitur.

Centura lv.
111. de Petro
selino.

E L A P H O B O S C V M.

ERRARE in Elaphobosco non modò Amathum censemus, sed pro more etiam falsa narrare sci-mus. Nam ut se ipsum præclarum ostendat, ait in querendo Elaphobosco sibi adiunxisse duos do-tissimos uiros, quos etiam nominat. At quum horum alter, cuius in commentarijs nostris pluries meminimus ob præstantissimam eius doctrinam, integritatemque, mihi pluries affirmauerit illum nec nouisse, nec fortasse uidisse unquam, quod illi credam non habeo.

Celsura lxi.
de Elaphobosco

Amathus infi-
delitatis argui-
tur.

C O L L U T E A.

COLLUTEA quibusdam rei agrariæ authoribus Alburnum uocari affirmat, Italis uero uulgò Aorno. Verùm quantum ego legi, cùm Alburnum planta non sit, sed pars tantum arboris, idem qui semper fuit deprchenditur Amathus, Plinij primùm testimonio, qui libro x vi. cap. x viii. de Alburno hæc scriptis mandauit. Humor & cortici arborum est, qui sanguis earum intelligi debet. Pro-“ cute cortex est. Proximi plerisque adipes. Ij uocantur à colore Alburnum, mollis, ac pessima pars li-gni, etiam in robore facilè putrescens, teredini obnoxia: quarè semper amputabitur. Hæc ille. Qui-“ bus facilè Amathi conuincit ignorantia. At si fortasse, ut nostram effugiat censuram, dixerit, non dixisse Colluteam uocari Alburnum, sed Laburnum, & id erroris in Typographum reiecerit, facilè respondi poterit & hoc esse saltum. Quandoquidem Laburnum, teste Plinio, Alpina tantum est ar-bor dura, & candida materie, cuius florem cubiti longitudine apes non attingunt. Id quod in Collutea sanè desideratur, quum hæc Alpina non sit, sed ubique ferè proueniat, materie non alba, sed exte-rius buxea, medullitus nigra, flore non cubiti longitudine, sed breui, Genistæ modo.

Censura lx.
de Collutea.

S E N A.

CAETERVM magno etiā errore scribit Senam herbam aluum exoluentem eam esse plantā (ut ipse opinatur) quæ Theophrasto Collytea appellatur. Nam cùm apud Theophrastū duplex sit Collytea, nec de qua intelligat explicet, nō solùm hallucinatus deprehenditur, sed & cōsus, adeò ut quid sibi uelit nesciat. Præterea cùm Collytea utraq; Theophrasto lib. 111. cap. x iiii. & . xvii. de historia plantarum arbor sit non herba, & utriusq; meminerit inter arbores, minus constare sibi uana Lusitani potest opinio.

Censura lxj.
de Sena.

G L A V C I V M.

N I S I alium præter se testem adduxerit Lusitanus, qui Glaucium herbam apud Louanienses ui-derit, quæ cum Dioscoridis historia concordet, ego illi credam. Nam cùm illum tam sèpè hallucina-tum offendierim, ac fabulosum, uitio mihi dandum non censeo, si nisi dato pignore illi nō credidero.

Censura lxij.
de Glaucio.

A L Y S S V M.

N V L L A M constituit differentiā inter Dioscoridis Alysson, & Plinianum. Sed quām penitus neu-trum intellexit? Siquidē Dioscoridi Alyssum exiguum est frutex unicaulis, subasper, rotundis folijs, fructu duplicitum seutorū effigie, quadantenus latū, in montibus, & asperis locis emicans; quæ sanè omnia in Sylvestri Rubia, quæ Plinio Alyssum est, desiderantur. Siquidem hæc non adeò exigua est plāta, sed plerunq; bicubitalis, nō uno tantū caule crescens, sed pluribus, folijs minimè rotundis, sed stellè modo

Censura lxij.
de Alyso.

D 3 decus-

decussatis, semine rotundo non lato, nec duplice, nec simplicem scutum referente. His accedit quod Dioscorides de utraq; Rubia maiori nempè, & minori tradidit uno, & eodem capite. Id quod illum fecisse putandum non est, si Sylvestrem Rubiam ab Alylo diuersam non iudicasset, de quo prius dixit eodem libro.

ATTRACTYLIS.

Censura lxiiiij.
de Attractylis

R E D I T austerus & immitis censor; uirgam, uel fustem potius profert. Eject omnes ex medicorum, id est ex suo senatu, & grauissime hallucinari eos contendit, qui negant Attractylida alterum Sylvestris Cnici esse genus, eo argumento innexus, quod scribat Plinius, primam sylvestris Cnici speciem Attractylida quibusdam uocari: sed, quantum uidere, aut coniucere possum, Amathus ipse potius hallucinatur. Nam quamuis scribat Plinius primi generis Sylvestre Cnicum quibusdam Attractylida nuncupari, non tamen affirmat, Cnicum illud esse Attractylida; nec eorum recipit sententiam, qui putant genuinum sylvestre Cnicum nihil ab Attractylide differre, quemadmodum superius diximus de Telephio differentes, Telephium non propterea esse Semperiuum minus, quod hoc etiam Telephium (ut Dioscorides scribit) quibusdam dicatur, nec Helsingem Parthenium, nec Asplenium Hemionium; quoniam ijs etiam nominibus à nonnullis appellantur. Quamobrem Plinius ipse eodem libro speciatim de Attractylide egit his uerbis. Acarna colore tantum rufo à Scolimo distinguitur, & pinguiore succo. Idem erat Attractylis quoque, nisi candidior esset, & nisi sanguineum succum funderet, qua de causa Phonos uocatur à quibusdam, odore etiam grauis. Quibus palam est Plinio Attractylida nullum sylvestris Cnici esse genus. Id quod maximè attestatur Theophrastus libro vi. cap. 1111. de plantarum historia. Is enim postquam de omni Cnici genere disseruit, de Acarna, & Attractylide speciatim egit. Adde quod experimento etiam liquet, neutrum sylvestris Cnici genus sanguineum succum fundere. Vnde Amathi minus probari potest sententia.

TEVKIVM.

Censura lxv.
de Teucrio,

Amathi opiniatio explosa,

S A N G V I S O R B A M, quam Itali Pimpinellam propriè appellant, quamq; frequentissimè in aetarijs addunt, Amathus Teucrium esse indicat. At in pristina sua uersatur cecitate, quippè quū scribat Dioscorides Teucrium herbam uirgæ effigiem referre Trifaginis similitudine, facile palam sit inter Teucrium, & Sanguisorbam maximam intercedere differentiam. Siquidem hæc nobis Pimpinella uocata iunceis constat caulinis, folijs utrinque pinnatis, nullam uirgæ effigiem, nec Trifaginis formam referentibus. Quod uero Pimpinella hoc nomine sit appellata, eò quod odore sit Citruli, quem Hispani Pipinum uocant, nobis probare non libet, quum compertum habeamus uocatā suis primū Pimpinellam à bipinnatis caulinis, unde postea corrupta appellatione Pimpinella est appellata. Nam cum nullo Citruli odore, uel sapore sit praedita, cur Amathi sententiam probem non uideo.

LYCHNIS.

Censura lxvj.
de Lychnide,

Q V A E de Lychnidis uiridibus folijs scribit Amathus, quod scilicet ea oleo illita igne flagrent, & inde nomen traxisse stirpem, fabulosa omnino uidentur; cum re uera Lychnidis folia, non uiridia, sed sicca ad lucernarum usum pro elychnio usurpauerit antiquitas, unde sibi nomen inuenit; non quod uiridia flagrent, ut Amathus putat. Quippè ἀύρων Græcis lucerna dicitur, ελύρων funiculus, qui è gospio lucernis inditur ad ignem excipiendum. Sunt enim Lychnidis folia admodum uillosa, tomentosaque, & prouindè arefacta ignem facilè concipiunt, perindè ac illius Verbasci folia, quod Lychnite ab eodem effectu pariter appellantur.

MARTAGVM.

Censura lxvij.
de Martago,

M A R T A G V M flores edere Lilio albo similes, sed croceos affuerat, & prouindè Martagū Plinio eam plantam esse exultimat, quam ipse ab Hercule Petilium uocatam scribit libro x x i. cap. viii. At demiror, ubi Lusitanus, qui tanto usu, tanta omnium rerum peritia est prædictus, Martagum uiderit croceos emittens flores. Mihi enim ante hunc diem, id est inauditum, cum flores proferat purpurcos, rubentibus quibusdam punctis respersos. Id quod manifestè arguit Hemerocallem pro Martago acceptisse Lusitanum. Namque is flore constat aureo Lilij tum facie, tum etiam magnitudine. Cæterum an Martagum, uel Hemerocallis Petilium sit à Plinio descriptum, fateri sanè non ausim, quum Petilium Plinij ipsius testimonio autumnali tempore floreat inter uepres colore rose sylvestris, illa uero cum alijs lilijs media florantestate.

TRIFOLIVM.

Censura lxvij.
de Trifolio,

Q V O D Bituminosum Trifoliū nunquā uiderit, noueritq; Lusitanus, hoc argumento facile concipi potest, quod afferat Pratense Trifoliū omnibus uulgò notū primò Rutā olere, ubi uero adoleuerit Bituminis

In Amathi Lusitani Enarrationes. 43

Bituminis odorem reddere. Atqui hoc falsum esse unicuique constabit, qui Pratensis Trifolij odorem olfactu explorauerit. Siquidem id nec Rutæ, nec Bituminis quicquam ullo tempore resipiet. Etenim aliud genus est à communi Trifolio, quod Græci Asphaltite ab odore, nos Bituminosum uocamus. Iccircò recte scripsit Plinius lib. x x i. cap. ix. Trifolij tria esse genera, Asphaltite aliud, aliud Acutum, Minutum item aliud, quo prata ferè omnia scatent. Hinc itaq; apertissimè constabit Pratense Trifolium longè ab Asphaltite diuersum haberi, & Lusitanum non paruo in errore uersari.

A M B R O S I A.

A M B R O S I A ait ille esse herbam, quam uulgo Tanacetum uocant Sepias. Verū patet eius non mediocris lapsus. Siquidem Ambrosia Dioscoridis testimonio pusillus est frutex, adeo ut trium palmorum longitudinem non excedat, folijs exiguis circa imum caulem, Rutam referentibus, caulinulis perindè quasi racemulis grauidis, qui nunquam florent, odore uinoso, suauiq; radice tenui sesquipedali, quæ omnia in Tanaceto maximè desiderantur. Namque Tanacetum bicubitalis gerit caules, ac etiam quandoque longiores, folia non Rutæ, sed Maioris Millefolij amaro sapore, flores aureos globuli modo, odore (quod maximè refert) graui, ac ingrato. Nullus fert hæc planta racemos caulinulis appensos, nullus ibi uinosus odor, nec aliàs suavis. Illud etiam addi potest, quod Tanaceto nusquam uisa sit radix sesquipedalis, sed breuis, & superuacula.

Censura lx-
ix. de Ambro-
sia.

G N A P H A L I V M.

A D E O breuiter, perplexeq; Gnaphalij historiam scribit Dioscorides, quin etiam Plinius illum sequutus, ut non decernas, quæ nam planta ex his, quæ in ipso naturæ uiridario coluntur genuinum Gnaphalium representet. At Lusitanus, qui hæc quemadmodum & cætera leuiter admodum expedit, quandam herbam Gnaphalium esse asserit, quæ Anconitanis Zigi appellatur, ea tantum ratione ducetus, quod hæc planta tenuibus sit folijs, mollibus, albanticibusq; quum tamen plura habeantur herbarum genera, quæ his notis insigniantur, perindè ac herba illa, quæ uulgaribus herbarijs Gnaphalij nomen mentitur. Etenim adeo Plinij Impiam representat, ut post hac ambigendum non sit, quin Impia nobis sit desideranda.

Censura lxx.
de Gnapha-
lio.

O E N A N T H E H E R B A.

R E C E N T I O R E S quosdam sequutus Oenanthe eam uult esse plantam, quam Filipendulam uocant, cum potius Oenanthe Dioscoridis testimonio caulem crassum palmi longitudine gerat, semen quale in Atriplice spectatur, radicem magnam in multa rotunda capitula extuberantem; nascaturq; in petris. At longè aliter prouenit Filipendula. Etenim non in petris, sed in pratis, & latè solo nascitur, radice nusquam magna, quæ in rotunda capitula extuberet, sed fili modo tenuis pluribus appensis globulis, non rotundis, sed potius glandium figura, ut in Paonia, sed longè minoribus, undè illi nomen. Semen præterea Atriplicis illi non ineft, sed globuli in star quadruplici apice mucronati, ut in Buxo: quin nec caulis illi uisitetur crassus, sed tenuis, non palmari longitudine, sed bicubitali. Quibus palam esse non ambigimus, Oenanthe à Filipendula quād maximè abesse.

Censura lx-
xi. de Oená-
the herba.

P H Y L L V M.

D V M in Phyllo Ruellij sententiam improbat Lusitanus, se ipsum ignorantie manifestè accusat his uerbis. Hanc Ruellius Alteram Persicariam esse credit; quo uero iudicio alij iudicent. Est uero hodie herbula quædam unico tantum ornata folio, & inde Unisolium dicta. Semen racemosum serpentis similitudinem ferens. His herbam illam describere uidetur Lusitanus, quam quidem Ophioglossum, id est serpentinam linguam uocauere. Sed plurimum is à ueritatis scopo, & à ueris ipsius herbae delineamentis digreditur. Etenim præter id, quod semen racemosum non proferat, id nullam serpentis imaginem ostendit, sed serpentis potius linguam imitatur. Id quod certò arguit, Lusitanū hanc plantam negligenter admodum examinasse. His accedit alijs illius lapsus, quod affirmauerit Dioscoridis Phyllum esse Ophioglossum, cum nullis prorsus notis conueniant.

Censura lx-
xii. de Phyl-
lo.

Censura lx-
xiii.

H O R M I N V M.

A L I O R V M quorundam insistens uestigia pro certo assuerat Horminum eam esse, quam quida Scclaream, alij Matrisaluiam, nonnulli herbanu Sancti Iohannis uocant. Sed cum Horminum Dioscoridi plāta sit Marrubio similis, caule semicubitali, circa quem eminentia siliquarū forma prodeant ad radicem spectantes, in quibus semen includitur oblongū, nigrumq; neutiquam crediderim Scclaream ipsam, quæ miro odore fragrat, esse Horminum. Quandoquidem hæc folio est Verbasci, non Marrubij

Censura lx-
xiv. de Hormino.

D 4 caule

caule bicubitali, nō semicubitali: Præterea Sclareæ caulis nullis uestitur siliquis, sed rami, qui ex caule ipso prodeunt multi. Adhæc siliquulæ, in quibus semen concluditur, rotundum, non oblongum ad radicem non spectat, sed ad uerticem. Adde etiam quod nulla odoris præstantia Horminum commendauit Dioscorides. Etenim illius odoris fragrantiam nunquam silentio inuoluisset Dioscorides. Quo sit, ut cum hæc non perpenderit Lusitanus, aliorum tantum opinione imprudens abductus erraverit unà cum illis, quorum sequitur errores.

ONOSMA.

Censura lxxv.
de Onosma,

O N O S M A M inter uulgares Rapunculos, quibus paßim utimur in acetarijs, nasci Lusitanus scribit: quin & illis adeò Onosmam similem facit, ut difficultè ab ipsis diagnoscatur. At quum Onosma folio sit Anchusæ Dioscoridis testimonio, quæ non minus distat à Rapunculo, quam equus à lepore, illicò friuolam, & stolidam nimis, ut cæteras omnes, opinionem induit Lusitanus. His accedit quod Onosma non nisi in asperis nascitur, radice sanguineum succum fundente: id quod maximè desiderari potest in Pseudorapunculo illo; quod is radice fit alba, tenui, ac superuacua, nullo unquam tempore cruenta.

ANTYLLIS.

Censura lxxvi.
de Antyllide,

Q V I N & in Antyllide censenda plurimùm decipitur, cum uelit, quinimò & affirmauerit eam legitimam, genuinamq; esse Antyllidem, quæ Mauritanis Kali, siue Alkali appellatur; cuius cinere utuntur ad conflanda uitra. Erat non magno negotio deprehenditur. Etenim cum Dioscoridi duæ sint Antyllidis species, altera quæ Lentii sint simillima, folijs mollibus, ramulis recti palmi altitudine, altera uero folijs Aiugæ hirsutioribus; non video, cur credam Alkalim Antyllidas utrasque referre, quum nullis conueniat notis: quippè Alkali, cum primùm è terra emerferit, folio est tereti, pingui, Minori Sedo non absimili, quod postea in dodrantalem ferè longitudinem adolescit, geniculatimq; protrahitur Equiseti modo. Quum uero iam adoleuerit (ut de Trago disserentes in Apologia superioris diximus) prodeunt è geniculis folia pinguis, crassaq; incurva, ex lata origine in acutum definentia. Vbi uero ad summum planta excreuerit, in caulum cacuminibus longè minora, exilioraq; spectantur rufo colore, à quorum exortu paruae, rotundæq; pilulae prodeunt, in quibus semen minutum concluditur. At quum huiusc plantæ tam uarias mutationes non animaduerterit Lusitanus, proindè factum est, ut ipse crederet Alkali diuersi esse generis; quorum unum alteram Antyllidem, aliud secundam esse contendit. Sed cum Alkali nullam cum Aiuga habeat similitudinem, cui alteram Antyllidem similem fecit Dioscorides, nec folijs unquam hirsutis sit uisa, nec ulla ex parte Lentis figuram referat, cui prior Antyllis est æmula; fateatur ex ueteri suarum opinionum promptuario constanter hæc se protulisse Lusitanus. Adhæc cum ipse de Trago agens allerat Alkali esse Tragum, deducor in eam opinionem, ut credam Lusitanum Circæ ueneficis incantationibus imbutum, unam, & eandem plantam in uarias transmutare formas. Quod in Alkali factum uidemus, quam nunc Tragū nunc Anthyllidem facit.

LITHOSPERMVM.

Cens. lxxvij.
de Lithospermo.

G E N V I N V M Dioscoridis Lithospermum eam memorat esse plantam, quæ globulos illos (lachrymas uocant) mittit, quibus utuntur funiculo traiectis ad numerandas preces. In quo manifestè peccat, quoniam Dioscoridi Lithospermum planta est folijs Oleæ longioribus, latioribusq; ac mollioribus humi accubantibus ramulis, rectis, tenuibus, firmis, crassitudine acuti iunci, lignosis, in quo rum cacumine bifidi exortus caulinorum speciem exhibeat, foliis longis, interq; paruum semen rotundum Erui parui (vt Oribasius & Serapio ex ipso Dioscoride transcribunt) magnitudine, nascaturq; in asperis. Quæ omnia in planta lachrymas illas ferente desiderantur. Siquidem hæc folia profert harundinacea, quemadmodum & culmos per interualla geniculatos, in quibus semen Orobo duplo grandius uisitatur, quæ quantum cum Lithospermi notis habeant similitudinis, ipse uideat. Adde etiam quod Lithospermum in editis, & asperis locis per se sponte nascatur. Lachryma uero uocata non nisi sata proueniat, erectis omnino calanis non humi repertibus, ut scribit Plinius.

ALISMA.

Cens. lxxvij.
de Alisma.

C A E T E R V M Alismam herbam credit Lusitanus Ruellium & Cordum sequutus eam esse plantam, quam quidam Plantaginem Aquaticam, alii Barbam Syluanam uocant: sed falsum non obscure liquet. Etenim Alisma folia fert Plantagini similia, sed angustiora, in terram reflexa, laciniataq; caule simpliciter tenui, cubito altiore, capitibus Thyrsi, flore candido pallecente. At plantagine Aquaticæ folia insunt Plantagine latiora, acuto cacumine, sursum spectantia, neutiquam laciniata, caule plurimo adnatis multis reserto, nulla Thyrsi effigie, radice inodora, nec etiam acri. Quæ omnia plam faciunt maximè deludi eos, qui unà cum Lusitano in hoc uersantur errore.

B R I.

BRITANNICA.

ALLO RVM iterum adhærescens errori credit nil aliud esse Britannicam, quām eam herbām, quā pāsim Sepalias, ac ungarib⁹ herbarijs Bistorta dicitur, eo tantū fortassē argumento ductus, quōd hæc planta Rūnicis sit solium. Verū mea sententia fallitur. Etenim quamvis Bistorta folio sit Lapathi, aut Rūnicis nigriore, pilosiore tamen non uisit, sed glabriore, lœuioreq; rubeis intercursantibus fibris, & à terra quadantenus Cæspit, quā omnīa in Britannica maximē desiderantur. Ad hæc Britannicæ radix requiruntur tenuis, ac breuis. Contra uero alteri. Namq; Bistorta radix quandoque nobis uisa est brachiali serè crassitudine, bipollicari autem s̄epissimē, colore in nigrum rufescēt, non (ut in Britannica scribit Plinius) nigro. Præter id Britannicæ radicibus tanquam breuibus, ac tenuibus, nihil uirium attribuit Dioscorides, sed tantū foliorum succum ad medicamenta prætulit. At Bistorta contrario modo se habet, cum tantū radicibus præstet, & nullus sit eius foliorum usus.

ALTERA CLEMATIS.

NEC minus in Altera decipitur Clematide, quippè qui censeat Flammulam uulgò appellatam, genuinam esse Dioscoridis Clematidem Alteram. Clematis enim hæc Dioscoridi per arbores repit, id quod in Flammula nusquam mihi uidere licuit, cūm planta sit recti caulis. Legitimam Clematidē nos eam esse non ambigimus, cuius imaginem dedimus in Commentarijs nostris, quanquā ob id haudquaquam negabo, Flammulam hanc Clematidē non esse genus; sed non propterē affirmauerim unquam Clematidem alteram esse Dioscoridis.

POLEMONIA.

NIMIVM addictus Brasauoli uiri alioqui eruditissimi, non tam ut ueritatem videatur indagare, quām ut pro sua fide, & antiqua consuetudine huius patrocinetur sententia, Polemoniam esse herbam contendit, quam quidam Rutam Caprariam, alij Galegam appellant. Multa porrò sunt (ut in Commentarijs nostris ostendimus) quā utriusque sententiam confutent. Primum si natale solum expendamus, id profectō facile indicabit Galegam non esse Polemoniam, quōd hæc in montibus, & asperis proueniat, illa in campestribus lœto, & uliginoso solo, adeò ut propè aquas, & in scrobiū aquarum marginibus plurimum oriri uideatur. Præterē nihil in summis caulijs habet, quod corymbaceam effigiem referat, sed corniculos Fœnogræci, emulos, in quibus semen occluditur rufescēt colore; quod in Polemonia nigrum requiritur. Hæc itaque si diligentius explorasset Lusitanus, non ita fortassē facile in Brasauoli sententiam concessisset. Nec sanè video cur sibi tantū arrogantiæ ascuerit, ut tantū Brasauoli tuendi causa, Aloysium Mundellam medicum huiuscem temp̄ eruditissimum, & mediceæ materiæ studiosissimum sua tantū garrulitate fretus adeò temere maledictis, conuictisq; laccessiuerit, præsertim quum, pro more, illius argumentis, quemadmodum & nostris nihil responderit. Obsecro dicas Amathie, quo furore agitaris? qua temeritate duceris? ut ausus sis, ubi de Sorbis egisti, Mundellam ipsum uirum citra omnem controuersiam clarissimum Sycophantam appellare? Tu, mihi crede, potius Sycomoros appellandus fueris, cūm tantū ad amandas, & satuitates te procreauerit natura, illum uero ad totius reipublicæ commodum. Depone istam mentem, define impudentissime, isto modo doctissimos viros laceſſere. Omnes, qui istam in te audiunt ingrata contumaciam, quamvis de facie te nunquam uiderint, quum tamen tales te audierint, non ne stolidum, vecordem, insanum, & omni mentis statu dimotum te iudicabunt? Aliter iam pridem nullus prudens de te existimat; hoc unum tibi patet refugium, si istius insanæ dementiae infames uelis delere maculas, ut aliquandò te ad mentem reuoces, & præstantissimos viros optimè de literis meritos non tuo more sycophantas, sed modestius nominare affueſcas,

LAGOPVS.

LAGOPVM magno errore eam plantam existimat Lusitanus, quā à triplici foliorum apice Trinitas appellatur. Quandoquidem cūm Dioscorides, Plinius, et si qui sunt alij, qui Plantarum historiam scribunt, nullis penitus notis Lagopum descripserint, non video cur solus Lusitanus diuinare uelit, quasi oraculo quodam doctus, quā nam planta antiquis fuerit Lagopus, Verū quōd Trinitas Lagopus non sit, id argumento esse potest, quōd ille Plinius & Dioscoridis testimonio inter segetes nascatur in campis, illa uero in frutetiſ iuxta ſepes, & in opaciſ proueniat,

XYPHIVM.

Cens. lxxxij.
de Xyphio.

Quo'd Plinius libro xxv. cap. x. per Xyphium intelligat Pseudoacorum, quod in paludibus prouenit flore aureo Iridis æmulo, ut Lusitanus perperam intelligit, minimè probamus, non solum ea ratione, quòd Xyphij historiam Plinius accuratè, probeq; describat, non Pseudoacori; sed quòd etiam genuinas eius facultates, quas Dioscoridi acceptas facile referre potest. Præterè Pseudoacoro radicem esse Iridis grandiorem nemo' ambigit. At Plinius ibidem rectè Xyphio dixit esse radicem Nucis Auellanæ figura. Nec obstat quòd scriperit is nasci Xyphion in aquofis, Dioscorides uero in aruis, quum & in aruis, & in palustribus locis magis quoque proueniat, ut perindè ac nos rei herbariæ studioſos obſeruasle nō dubitamus. At Plinius, qui longè melius Xyphij natale solum explorauerat, quām Lusitanus, non alia ob causam in humidis nasci dixit, quām ut eorū refelleret opinionē, qui Lōchitum à seminis figura Xyphiū esse censebant. Hinc itaque is argumentum sumens, probat Lonchitum Xyphiū non esse, quòd illa in sitiētibus tantum proueniat locis. His aliis accedit Lusitani lapsus, quo facilè adducor, ut credā, ipsum nusquam uidisse Xyphium, nimirū quòd scribat illi esse radices Caninis testiculis similes, quum nusquam Xyphium repertum sit, qui Cinororchis modo radices gereret. Xyphij enim radices rotundæ sunt, & compressæ uerticilli modo, uel Ibisci seminis instar, cui plurimū astipulatur, inuolucris simul conclusæ, ijs similibus, quibus Croci bulbus congettetur. Quæ tamen de his scripturus animaduertisse debuerat Lusitanus.

GRAMEN HARVNDINACEVM.

Cens. lxxxiv.
de Harundi-
naceo grami-
ne.

LUSITANI opinionem de Harundinaceo Gramine ea ratione improbamus, quòd scribat plan tam esse vulgarissimam ad Eridani ripas nascentem, quin & iumentis gratissimum esse pabulum. Nācūm (Dioscoride teste) hoc Graminis genus iuxta uias oriatur, non iuxta flumina, non magno mihi negotio credendum fuerit, Aquaticos Calamos, qui propè fluuiorum aquas nasci solent, pro Harundinaceo Gramine accepisse Lusitanum.

RVBVS IDAEVS.

Cens. lxxxv.
de Idœo Ru-
bo.

TAMET S I Idæum Rubum in Ida monte plurimū nasci scribat Dioscorides, & sèpius Idæum pro montano accipiatur, Lusitanus tamen ad Padi fluminis ripas oriri hunc Rubum affirmat. Sed minimè uereor, quin pro more, cæcutiat, quum quæ montana sunt, fluuiatilia fecerit.

CHRYSANTHEMVM.

Cens. lxxxvi.
de Chrysan-
themo.

QVVM nusquam verum Chrysanthemum viderit Lusitanus, quo tamen abundat Italia, passim que omnibus sit notum; quumq; oscitanter eius historiam examinasset apud Dioscoridem, eam herbam Chrysanthemum esse putat, quām herbariorū uulgas, quod unoquoque mense floreat, Calendulam uocat. Apertè conuincitur error, quòd Chrysanthemum Dioscoridi folia gerat plurimis incisuris diuisa, id quod in Calédula uocata prorsus defideratur, quū illi Minoris Anchusæ modo longa spe cætentur nullis prorsus incisuris laciniata. Sed id fortassè illū in hanc opinionem adduxit, quòd habeatur aliqua Dioscoridis exemplaria, quæ habeant Chrysanthemum quod alij Caltham uocant. &c. Nam quum non desint rei herbariæ periti, qui Calendulam hanc non sine ratione Caltham esse existiment, ille nominis tantum arguento fretus, neglecta penitus Chrysanthemi historia, Calendulam ipsam Chrysanthemum esse putauit. At si in simplicium facultate, ac historia, ut illum sanè decebat, se exercuisset, & uaria Dioscoridis exemplaria habuisset ad manus, eaq; præsertim, quæ à doctissimis uiris magno labore sunt restituta, uidisset quidem in Chrysanthemo non legi κάλθα, sed χαλκά.

ASTRAGALVS.

Cens. lxxxvii.
de Astragalo,

ASTRAGALVM oriri radice rotunda, Raphani modo magna scribit Dioscorides. Quibus quis facile coniicere potest Astragalo radicem non esse rotundam in pilæ modum, sed tereti forma, quum talis sit Raphani radix. Quamobrem in Astragali censura inaniter Lusitanum hallucinari deprehendimus, quòd scribat Inferioris Germaniæ incola Astragali radicibus nesci sub cineribus Castanearum modo assatis; easq; Iuglandium nucum figura, magnitudineq; esse afferit albo intus colore, & nigro exterius cortice. Hinc itaque suspicor ego Lusitanum pro Astragalo eam plantam accepisse, quæ Fuchsio, & recentiorum alijs Dioscoridis esse Apios, quæq; Germanis Erdnusslen, id est, Nux Terræ uocatur. Sed quām magna inter has plantas intersit differentia Tiresia cœcior fuerit, qui non uiderit,

ACO-

ACONITVM.

DVM in censendo primis generis Aconito Fuchsium virum apprimè doctum accusat Lusitanus, Cef. lxxxvij.
ille tamen longè grauius aberrat, quippe qui tanquam coeūs iudicet de coloribus, & nulla ratione
scribat Aconitum Pardalianchen in multis reperi locis, radicibus nigris ad rubedinem declinanti-
bus. Quibus facile palam est, quād fuerit ille negligens in explorandis, legendisq; plantarum histo-
rijs. Etenim Dioscorides primi generis Aconito radicem facit Scorpionis caudam æmulantem & A-
labastri modo splendente. Verum an Alabastrum colore sit nigro rufescere, statuarij iudicent, &
lapicida, & qui Romæ columnas ex Alabastro uiderint, ad Constantini lauacrum propè sacrum La-
teranense, & ad D. Agnetis ædes extra Viminalem portam.

COLCHICVM.

Quando hic homo semel errandi faciet finem? quo usque tot uitijis hic omnium ceterorum Cef. lxxxix.
nos obtundet iudex? nusquam ne dabit breue aliquod spatum in omnibus paginis respirandi? Vbi-
que (ut uerè fatetur) ad naufragium usque omnia paßim Amathi sapiunt Officinam. Tædet omnia huic
coaceruari, quibus ille suum volumen expoliuit. Transcurro innumera, & ad finem strictim per o-
mnia propero. Quid tamen boni de Colchico sentire cum hoc nihil refert dissidere ab Hermodacty-
lo, de quo scripsere Paulus, & Serapio. Verum nihil est, quo minus Lusitano meritò relucetemur, cū
Paulus diuersis capitibus eodem libro de Colchico & Hermodactylo tractauerit, hunc per se, uel ex
decocto potum arthriticis commendans, illud uero quod letale sit ab usu medico abigens. At Lusi-
tanus, ut suam tucatur sententiam, mirandum non esse dicit, quod Paulus seorsum de Hermodactylo,
tanquam à Colchico differentem sermonem habeat, alibi uero de Colchico caput præfigat; quem id
consulto fecerit, uidens utique Colchicum non adeò uenenosum esse, præcipue ubi Hermodactylus
dicebatur, sed rei medicæ potius conducibile. Qua de causa de eo, ut ueneno cum cæteris Græcis
caput constituit, alibi uero tanquam de re sibi nouiter comperta, & non admodum uenenosa sub Her-
modactyli nomine. Verum hæc Lusitani figura, cur sanè probem, non video. Siquidem si Paulus
hac fuisse duetus opinione, credendum quidem non est, quasi ille eō insaniæ, furorisq; peruenisset, ut
Colchici nomen in Hermodactylum peruerisset: quin etiam nec quod in medicum afferret usum
mortiferum medicamentum, de quo paulo post egit sex tantum interiectis capitibus, proprio occul-
tato nomine, quum recte sciverit Paulus, uires & facultates in plantis haberi, non in earum nomen-
claturis. Nec pariter obstat alia Lusitani ratio, nimis quod in uno loco de eo tanquam ueneno
sub Colchici nomine scripsit Paulus, in altero tanquam medicamento sub Hermodactyli applica-
tione. Quandoquidem cum Paulus libro quinto, inter cæteras uenenosas stirpes Colchici latius me-
minerit, non fuerat illi opus iterum de eo scribere libro septimo, ubi de medicamentis salubribus,
non de uenenis egit; nec tam horrendam facere metamorphosim, ut medicos deciperet. Nec item
obstat Serapionis authoritas, quod is Colchicum Dioscoridis Hermodactylum appellat. Quippe Serapionis la-
hoc in loco, sicuti in alijs nonnullis Colchicum, quod Hermodactylum uocat, cum genuino plus.
Hermodactylo, de quo speciatim egit Paulus, confundit. Etenim scatere mendis Hermodactyli ca-
put in Serapione quis facilè nouerit, quum ea, quæ Dioscoridi accepta referre debeat, Paulo ascribat;
& quæ Pauli sunt in Hermodactylo, Galeno accepta referat. Quod autem (vt Lusitani putat) in sola
Colchide Colchicum nasci uenenosum, ac letale, alibi uero minimè, non facilè probamus, cum nulla
huiusc rei sit nobis ueterum authoritas. At quum Dioscorides libro quarto, ubi de Colchico scri-
psit, non Colchicos tantum admoneat, ne huiusc plantæ radicem deuorent eius dulcedine allecti,
sed omnes in uniuersum homines, maximo est arguento, hanc plantam non tantum apud Colchos,
sed ubique nasci uenenosam.

EPHEMERVM.

LUSITANVS recentiores quosdam sequutus Lilium, quod Conuallium uocant, magno er-
rore Ephemerum esse putat. Nam huic Lilio, folia non insunt Lilij, quin nec radix longa, quæ digitii
sit crasitudine, sed tenuius in capillamenta desinens. Prætereà nec caulis illi uidetur Lilio similis, sed
gracilis, flexilisq; tenuissimi iunci instar. Adhaec nec credi par est, Dioscoridem silentio inuoluisse,
quin etiam nec Galenum, qui eius quoque historiam narrat, suauissimi odoris præstantiam, quo Li-
lum Conuallium fragrat, si hoc illis Ephemerum esset. Quo fit, ut una cum Lusitano cœcutiant,
qui hac ducuntur opinionem.

Censura xc.
de Epheme-
ro.

VMBILICVS VENERIS.

VBI de Veneris Vmbilico scribit Lusitanus, tam primùm quād alterum parietibus hærere affe-
rit, & humectis nasci in locis folio crasso, rotundo, concauo, coxendicis figura; quibus palam sit, quan-
tum

Censura xci.
de Veneris
Vmbilico.

tum in re herbaria præstet, ualeatq; Lusitanus, quippè qui hallucinatus existimauerit inter Veneris Vmbilicōs nullam intercedere differentiam foliorum, radicum, ac etiam locorum, in quibus proueniunt. Quum tamen Dioscoridi Cotyledonis primū genus folia ferat Acetabuli figura, & radicem Oliuæ modo rotundam. Alterum uero Maius refert Sedum, & maiori nitatur radice. Adde etiam quod neutrum in humectis nascatur locis, quum primum in tectorum tegulis, & collapsis ædificiorū parietibus proueniat, maritimis præsertim locis, ut Plinius inquit: Alterum uero inter ingentissima saxa in montibus nascatur.

T A L I C T R V M.

Censur. xcii.
de Taliistro.

RUELLIUS uir profecto clarissimus, & in stirpium historia non postremus author. Taliistro in Gallia nasci scribit, ibiq; appellari Argentinam, eò quod eius Coriandrina folia argenteo splendore micent. Nos autem quod hanc herbam nusquam uiderimus, Ruellij sententiam probare, nec improbare possumus. At Lusitanus, qui nulla ratione omnes impugnare solet, statim id falsò sensisse Ruellium scribit, tametsi eius Argentinam nec uiderit, nec nouerit unquam. Nec ualet Lusitani argumentum, quod Argentinam herbam, sic alijs uocatam à Taliistro maximè distinguat. Siquidem de hac Lusitani Argentina haudquaquam intelligit Ruellius. Hæc enim folijs non est Coriandri, sed unico tantum folio assurgit nullis lacinijis intersecto. Quo fit, ut ille meritò ueniat accusandus, quum iniuriā alios accuset.

P O T A M O G E T V M.

Censu. xcij.
de Potamo-
geto.

PO T A M O G E T O N sic dicta est Græcis, quod fluminibus sit uicina, aut in ipsis fluminibus nascatur. Id quod clarissimè demonstrat Dioscorides, quum inquit, Potamogetum folium Beta simile gerit hirsutum paulò supereminens extra aquam. Id quod facilè comprobatur etiam in hac planta hallucinari Lusitanum. Quippè qui Potamogetum eam herbam esse contendat, quam Seplasia Pulmonariam uocant. Siquidem hæc primum in fluminibus non nascitur, nec propè eorum alueos, sed secus uias propter sepes, & fruteta, præsertimq; opacis locis, folio non Beta, sed Buglossi; cuius saporem etiam adeò imitatur, ut eo sicut & facie Buglossum referat. Adde quod huic maculae quedam in folijs cernantur albo colore, de quibus nihil inuenio scripsisse eos, qui Potamogeti historiam narrant.

L O T V S V R B A N A.

Cens. xcijj.
de UrbanaLo-
to.

O' Q V A' M vehementer decipitur Lusitanus in censenda Urbana Loto. Constat id, quod nulla ratione nec authorum testimonij temerè affirmauerit eam esse Lotum Urbana, quam quidam Trifolium Acetosum, alijs Panem Cuculum, nonnulli Alleluia uocant. Etenim legisse apud antiquorum aliquem Lotum hanc saporem esse acetoso. Præterea Plinio quis non uiderit aliud esse Satiuam Lotum, aliud Trifolium Acetosum, quod ipse speciatim Oxynà sapore meritò uocat, quod nomine, & uiribus differant? Siquidem ille Oxym ad enterocellas, & dissolutum stomachum præstare ait, id quod facilè quis gustu deprehendere potest. Lotum uero Satiuam ad discutiendas oculorum cicatrices, argema, & nubeculas ex Dioscoride proposuit, tanquam excuslorium, deterlorumq; medicamentum. Id quod nunquam Oxys præstare poterit.

A N T I R R H I N V M.

Censur. xciv.
de Antirrhino.

IN existimando Antirrhino immerito sanè Lusitanus Plinium criminatur, quod Antirrhini planum lino similem fecerit, ac etiam quod Lychnin Agriam appellauerit. Nec alia ratione Plinium impugnat, quam quod non liceat (ut ipse putat) Antirrhinum appellari Lychnin, quod florem habeat illi similem, & magna sit inter has plantas differentia. Qua in re sanè quid arguat in Plinio nescit. Cuius inscitiae id in causa esse putauerim, quod Lusitanus Plinianæ lectionis, perinde ac aliorum authorum impatiens, & rudis fuerit. Nam quanquam Plinius libro x x v. cap. x. Antirrhinum Lychnin Agriam uocari scribit; non tamen ob hoc affirmit, quod Antirrhinum, & Lychnis Agria una & eadem sint planta; sed tantum admonet, à quibusdam ita uocari Antirrhinum. Id quod etiam inuenitur in quibusdam Dioscoridis codicibus, qui ita habent ἀντίρρινον δὲ αὐτόν, οἱ δὲ καὶ ταῦτη λυχνίδα αὐτούς. Nec tamen ob id accusandus est etiam Dioscorides, qui non ob hoc prætermisit, quin Lychnidis Agriæ meminerit, ubi libro tertio de Domestica scripsit. Alijs enim nobis superius dictū est, præsertimq; de Telephio difernetes, non deesse plantas, quæ aliarum etiam Plantarum nomenclaturis appellantur, quum tamen nihil cum illis habeant cognitionis. Præterea cum plures hodiè habentur Antirrhini species, quarum alia, quæ maior est, folia gerit multifida, alia Lino similia, alia parua, ut Anagallis, quæ fortassis genera nunquam vidit Lusitanus, hic Plinium defendere non uerebor; quem

Plinius à ca-
lumnia uindi-
catur.

In Amathi Lusitani Enarrationes. 49

quem tamen miror accusare Lusitanum, quum is de Iride differens, acriter me accusauerit, quod ibi quædam in Plinium deprompsierim.

P O L Y G A L A .

P O L Y G A L A M scribit Dioscorides ad palmi altitudinem adolescere folijs Lenticulae, gustu adstringenti, cui ita subscriptit Plinius libro x x v i i . cap. x i i . Polygala palmi altitudinem petit, in caule summo folijs Lenticulae, gustu adstricto. Quibus tamen notis difficultè admodum uidetur, ut quis herbam afferre possit, quæ legitimam Polygalam referat, quum horum neuter caulium, florum, radicum, natalisq; soli huiusc plantæ meminerit. At Lusitanus, qui (quantum video) longè potius Oedipum, quam medicum profitetur, quandam plantam Polygalam esse putat, quæ uirgas Genistæ mittit, in quarum summitate flores emicant, aurei, præstanti odore, ex qua (ut ipse ait) magna pars Italie scopas parat. Quin & hanc quoque plantam scribit sapore esse amarissimo. Veruntamen cum à nemine memoriae proditum sit Polygalam hisce notis haberi, coniecturas, quas se dicit habere Lusitanus, præfertim quum ea scribere non sit ausus, friuolas, ac inanes putamus. Adde quod Dioscorides, Galenus, Plinius, Oribasius, & quot sunt alij grauissimi authores, nusquam Polygalam scripserunt esse amaram; sed adstringenti sapore. Præterea Polygalæ planta tota, omnibus consentientibus, lac prouocat, non flores tantum, quorum nemo meminit. Sed hoc ignorans Lusitanus putat hanc facultatem floribus tantum deberi, quod suavi præstent odore, ac si odorata omnia lacti prouocando sint idonea.

Cens. xcvi. de
Polygala.

Lusitani con-
iecturæ iniuti-
les.

O C H R A .

P V T A T Lusitanus Rubricam, qua utuntur Pigmentarij, ac Sarcinatores, quaq; usi sunt haftenus Myropolæ lapidis Hæmatitis uice, genuinam esse Ochram. Sed magno tenetur errore. Ochra enim (ut Dioscorides scribit) luteo est colore, non rubro, ut propria indicat nomenclatio. οχρος enim Græcis, pallor Latinis interpretatur. Id quod etiam fatetur Galenus Com. 11. in lib. Prognosticorum Hippocratis. Quæ si legisset Lusitanus, non ita fortassis temerè de rebus sibi ignotis tam ridiculum protulisset iudicium.

Censu. xcviij.
de Ochra.

M E L A N T E R I A .

M E L A N T E R I A M nasci in fauibus cuniculorum, in quibus æs foditur, salis modo concretam, quin & in summa facie eorundem locorum, testis est Dioscorides: quo sit, ut æris potius aliquid hanc continere crediderim, quam argenti, ut sibi falso persuasit Lusitanus. Ipsa enim in argenti metallis non reperitur, sed in æris cuniculis, cuius facultates posidet, perinde ac Chalcantum, Sorri, Chalcitis, ac Misy: & proinde recte uim causticam obtinere Melanteriam scribit Dioscorides, quæ & Misy. Argento enim nulla uis caustica inest, sed æri quamplurima.

Cens. xcviij.
de Melante-
ria.

S O R Y .

I N censendo Sory non minori ducitur errore, quod pro certo crediderit, Chalcanthum factitium, Cens. xcix. de quod Pharmacopœi Vitreolum Romanum uocant, genuinum esse Sory. Patet error, quod Sory res Sory. sit effossa, non arte parata, tum etiam quod Chalcanthum siue fossitium, siue sit arte paratum à Sory omnium consensu plurimum differat.

A U R I P I G M E N T U M .

E O D E M ferè tenetur errore etiam in Auripigmento, quod pro more, temerè afferat id coctum esse. Error facile palam fit, quod scribat Dioscorides, Auripigmentum per se digni ijs in metallis, Cens. c. de Au- ripimento. in quibus gignitur Sandaracha, non autem excoqui, & arte parari. Crudum itaque est Auripigmentum non coctum. Quippè si coquatur, & igne torreatur, magnoperè rufescit, adeò ut Carbunculi spetiem induat, & pellucidum fiat.

G A G A T E S .

Q V I D de Gagate, tandem eius opinionem referam? quem nigrum illud Succini genus esse arbitratur, quo imagines parantur eorum galeris affigendæ, qui peregrè proficiscuntur uel ad D. Iacobii ædes, uel ad alias quascunque. Nihil Lusitanum sui ponitet. Quantum illa inter se diffonant? Quum Succinum hoc lapis non sit, sed potius, ut quidam putant, Bituminis, aut Pissaphalti genus. Gagatis de- Gagates porrò lapis est bituminosus, non autem Bitumen ipsum, squallidus, & crustosus; contrà scriptio- uerò

Animadver- sio in Ama- thum.

uerò illud, quum nullam lapidis speciem præ se ferat, nulloq; squallore, crustisue sit uitiatum. Genuino, ac uero Gagate utuntur Septentrionales quàm plurimæ régiones, quæ lignis non admodum abundant, ad fouendum ignem. Plurimum Gagatis foditur in Leodiensi agro apud Flandros, Brobandosq; , qui plurimùm differt ab illo Succini genere. Sed præcidamus tandem quæfo alia, quæ restant innumera, ne uideamur pilos quosque carpere, qui ueritatis candorem impediunt, & ne circa minutias cauillari nos arbitretur Lusitanus. Mihi quidem (ut ingenuè fatcar) non leue fuit incommodum cum huius friuolis ineptijs colluctari. Veruntamen tum istius proteruitate lacesitus, tum multorum (ut prædiximus) honestissimorum uirorum precibus excitatus, id diligentius facere non sum coactus, quàm uel meæ occupationes, uel istius leuisima, & imperitissima temeritas à me exigeabant. Simul & commonebat non mediocriter illius fauissima authoritas, quam in omnibus tam temerè, tamque uane fibi uendicat. Cui tantum cæteros existimauit adhibituros fidei, ut ea quoque, quæ nulla confirmaret ratione, codem mentis stupore excepturos alios putarit. Hoc si uel temeritate, uel fortasfè simplicitate, aut inscitia potius, quibus plurimum ualet, fecerit, agnoscat iam denique quàm ei periculose fuérit aliorum carpere, & immodestissime damnare labores, priusquæ sua valeat intelligere fœdissima errata, quibus omnia eius uolumina, & præclaræ illæ Centuriæ ubique scatent. Nunc cùm & tela repulerim, quæ tam insipiente ille in me iecerat, & pariter hominem ex suis præsidij citra omne negotium dimouerim, non tyronibus modò, sed etiam doctis non ingrata me in hoc collocasse operam arbitror. Nec uerò tanti mihi erit, si Lusitanus, quo est furore, iniustè se argui clamitet. Quin & hoc singulare suæ dementiæ dabit indicium, quo manifestius nullis argumentis, nulla ratione, nulla ueritate satisfieri posse conqueratur. Evidem quantum potui, hoc unicè sum coriatus, ut non solùm se reprehendi doleat, sed & suæ confidentissimæ imperitiæ ipsum iure pœnitentia. Quin etiam ut sciat, ac noscat se errorum Centuriæ fecisse, quemadmodum & ægritudinum. In quo quantum profecerim Lectoris can-

F I N I S.

MINTON'S JOURNAL





